

庾子山集

庚子山集卷五

北周新野庾信著

明東海屠隆評

詩

和人日晚景宴昆明池

春餘足光景、趙李舊經過、上林柳腰細、新豐酒徑多、
小船行釣鯉、新盤待摘荷、蘭臯徒稅駕、何處有凌波、
對宴齊使

清心要切

歸軒下賓館、送蓋出河堤、酒正離杯促、歌工別曲悽、
林寒木皮厚、沙迴雁飛低、故人儻相訪、知余已執珪、

聘齊秋晚館中飲酒

欣茲河朔飲，對此洛陽才。殘秋欲屏扇，餘菊尚浮杯。
漳流鳴二水，日色下三臺。無因侍清夜，同此月徘徊。
奉和濟池初成清晨臨泛

與簡文驟
急歌彌響
痛多塵亂
飛如出一

千金高堰合，百頃浚源開。翻逢積翠浪，更識昆明灰。
猿嘯風還急，鷄鳴潮卽來。時看青雀舫，遙逐桂舟迴。
和吳法師遊昆明池二首

遊客重相讎，連鑣出上蘭。值泉傾蓋飲，逢花駐馬看。
平湖泛玉軸，高堰歇金鞍。半道聞荷氣，中流覺水寒。

秋光麗晚天。鷁舸泛中川。密菱障浴鳥。高荷沒釣船。
碎珠縈斷菊。殘絲繞折蓮。落花催十酒。栖鳥送一絃。

見遊春人

長安有狹斜。金穴盛豪華。連孟勸上馬。亂菓擲行車。
深紅蓮子艷。細錦鳳凰花。那能學喫酒。無處似樂巴。

別周尚書弘正

扶風石橋北。函谷故關前。此中一分手。相逢知幾年。
黃鵠遂反顧。徘徊應愴然。自知悲不已。徒勞減瑟絃。

孟襄陽得
此便稱清
絕

別張洗馬樞

擊筑悲歌
千古有心
人欲絕

別席慘無言。離悲兩相顧。君登蘇武橋。我見楊朱路。
關山負雪行。河水乘冰渡。願子著朱鳶。知余在玄菟。

別庾七入蜀

峻嶺拂陽烏。長城連蜀都。石銘懸劍壁。沙洲聚陣圖。
山長半股斷。樹古半心枯。由來兄弟別。共念一荆株。
將命使北始。渡瓜步江。

校尉始辭國。樓船欲渡河。輜軒臨磧岸。旌節映江沱。
觀濤想帷蓋。爭長憶干戈。雖同燕市泣。猶聽趙津歌。
反命河朔始入武州

掩抑有奇

態凄陰多

好聲

飛揚挺拔

得競病之

雄駿

輕車初逐李定遠未隨班受詔祈連返申威疎勒還

飛蓬損腰帶秋鬢落容顏寄言舊相識知余生入關

冬狩行四韻連句應詔

三川羽檄馳六郡良家選觀兵細柳城校獵長楊苑

驚雉逐鷹飛騰猿看箭轉鳴笳河曲還猶憶南皮返

和王內史從駕狩

冬狩出離宮還過獵武功澗橫偏礙馬山虛絕響弓

更羸承落雁韓盧鬪螿熊猶開三面網誰肯一山重

入道士館

金華開八景，玉洞上三危。雲袍白鶴度，風管鳳凰吹。
野衣縫蕙葉，山巾簪笋皮。何必淮南館，淹留攀桂枝。

奉和永豐殿下言志

立德齊今古，資仁一毀譽。無機抱甕汲，有道帶經鋤。
處下唯名惠，能言本姓蘧。未論驚寵辱，安知係慘舒。

其二

王子從邊服，臨邛惜第如。星橋擁冠蓋，錦水照簪裾。
論文報潘岳，詠史答應璩。帳幕參二顧，風流盛七輿。

其三

茫茫實宇宙、與善定馮虛、大夫傷魯道、君子念殷墟、
程卿既開國、安平遂徙居、詎能從小隱、終然遊太初、

其四

直城風日美、平陵雲霧除、來往金張館、弦歌許史閭、
鳳臺迎弄玉、河陽送婕妤、五馬遙相問、雙童來夾車、

其五

託情忻六學、遊日愛三餘、覆局能懸記、看碑解暗疏、
詎嘗遊魏冉、郝時說范睢、池水朝含墨、流螢夜聚書、

其六

學辨癡龍
迷憑銀筆
直恁快活

汜勝農書
緯一拈出
卽成華都

興雲榆莢晚，燒雞杏花初。
漈池侵黍稷，谷水播菑畬。
六月蟬鳴稻，千金龍骨渠。
含風搖古度，防露動林於。

其七

自憐循短綆，方欲問長沮。
茂陵體猶瘠，淮陽疾未祛。
翻疑承毒水，忽似遇昌菹。
漢陽嗟欲盡，咎繇懼忽諸。

其八

弱齡參顧問，疇昔濫吹噓。
綠槐垂學市，長楊映直廬。
連盟翻滅鄭，仁義反亡徐。
還思建鄴水，終憶武昌魚。

其九

腐儒直末
高閣

崩堤壓故柳。衰社臥寒樗。野鶴能自獵。江鷗解獨漁。
漢陰逢荷篠。緇林見杖屨。阮籍長思酒。稽康懶著書。
其十

披林求木實。拂雪就園蔬。濁醪非鶴髓。蘭肴異蟹胥。
野情風月曠。山心人事疏。徒知守瓦甕。空欲報璠璣。
率爾成詠

昔日謝安石。求爲淮海人。彷彿新亭岸。猶言洛水濱。
南冠今別楚。荆玉遂遊秦。倘使如楊僕。寧爲關外人。
慨然成詠

新春光景麗、遊子離別情、交讓未全死、梧桐唯半生、
值熱花無氣、逢風水不平、寶雞雖有祀、何時能更鳴、

奉和賜曹美人

月光如粉白、秋露似珠圓、絡緯無機織、流螢帶火寒、
何年迎弄玉、今朝得夢蘭、訝許能含笑、芙蓉宜熟看、

熟字妙

和趙王看伎

綠珠歌、扇薄飛燕舞、衫長琴曲隨、流水簫聲逐、鳳凰
細縷纏、鐘格圓、花釘鼓、牀懸知曲不誤、無事畏周郎、

隨逐二字
便與詠蘭
秀不同

奉答賜酒

秀句

仙童下赤城，仙酒餉王平。
野人相就飲，山鳥一羣驚。
細雪翻沙下，寒風戰鼓鳴。
此時逢一醉，應枯反更榮。

奉答賜酒鷲

雲光偏亂眼，風聲特噤心。
冷猿披雪嘯，寒魚抱凍沉。
今朝一壺酒，寔是勝千金。
負恩無以謝，惟知就竹林。

正旦蒙趙王賚酒

正旦辟惡酒，新年長命杯。
柏葉隨銘至，椒花逐頌來。
流星向椀落，浮蟻對春開。
成都已救火，蜀使何時迴。

衛王贈桑落酒奉荅

蘸甲斟瓊
液一春酒
與新矣

霜落寒風
酒興飛動
下催字妙

愁人坐狹斜，喜得送流霞。跂窓催酒熟，停盃待菊花。
霜風亂飄葉，寒水細澄沙。高陽今日晚，應有接離斜。
就蒲州使君乞酒

蕭瑟風聲慘，蒼茫雪貌愁。鳥寒栖不定，池凝聚未流。
蒲城桑葉落，灞岸菊花秋。願持河朔飲，分勸東陵侯。
蒲州刺史中山公許乞酒一車未送

細柳望蒲臺，長河始一迴。秋桑幾過落，春蟻未曾開。
瑩角非難馭，槌輪稍可催。只言千日飲，舊逐中山來。

答王司空餉酒

細酌勝雄
飲百倍非
深於酒者
不知

得此二語
謝家雪賦
可廢

今日小園中。桃花數樹紅。開君一壺酒。細酌對春風。
未能扶畢卓。猶足舞王戎。仙人一捧露。判不及盃中。

舟中望月

舟子夜離家。開艫望月華。山明疑有雪。岸白不關沙。
天漢看珠蚌。星橋視桂花。灰飛重暈闕。莫落獨輪斜。

望月

夜光流未曙。金波影尚賒。照人非七子。含風異九華。
莫新半壁。上桂滿獨輪。斜乘舟聊可望。無假逐仙槎。

對雨

王孟之鼻
祖

繁雲猶暗嶺，積雨未開庭。階含侵角路，鑊滿溜疎萍。
濕楊生細樵，爛草變初螢。徒勞看蟻封，無事祀靈星。

喜晴

比日思光景，今朝始暫逢。雨住便生熱，雲晴卽作峰。
水白澄還淺，花紅燥更濃。已歡無石燕，彌欲棄泥龍。

詠春近餘雪應詔

送寒開小苑，迎春入上林。絲條變柳色，香氣動蘭心。
待花將對酒，留雪擬彈琴。陪遊愧竝作，空見奉恩深。

奉和初秋

滴滴番露
何謂筆之
非秋

落星初伏火，秋霜正動鍾。
北閣連橫漢，南宮應鑿龍。
祥鸞棲竹實，靈蔡上芙蓉。
自有南風曲，還來吹九重。

晚秋

淒清臨晚景，疎索望寒階。
濕庭凝墜露，搏風卷落槐。
日氣斜還冷，雲峯晚更霾。
可憐數行雁，點點遠空排。

和潁川公秋夜

沈寥空色遠，葉黃淒序變。
洞浦落遵鴻，長飈送巢燕。
千秋流夕景，百籟含宵轉。
峻雉聆金柝，層臺切銀箭。

詠畫屏風詩

浮橋翠蓋擁平旦。雍門開石崇。迎客至山濤。載妓來
水紋恒獨轉。風花直亂迴。誰能惜紅袖。寧用捧金杯。

其二

停車小苑外。下渚長橋前。澁菱迎擁楫。平荷直蓋船。
殘絲繞折藕。芰葉映低蓮。遙望芙蓉影。只言水底然。

其三

昨夜鳥聲春。鶯鳴動四隣。今朝梅樹下。定有詠花人。
流星浮酒泛。粟瑱繞杯脣。何勞一片雨。喚作陽臺神。

其四

流水遙對
青蓮多學
其體

拂太真之
領巾香澤
三月何但
一園

小庾慣用
橫字處處
入妙此作
豎字尤妙
橋飛花出
煞甚清新
歌聲上扇
舞影入琴
出人尋味
之外總卽
二字亦近
亦遠

逍遙遊桂苑，寂絕到桃源。
狹石分花逕，長橋映水門。
管聲驚百鳥，人衣香一園。
定知歡未足，橫琴坐石根。

其五

三春冠蓋聚，八節管絃遊。
石險松橫植，巖懸澗豎流。
小橋飛斷岸，高花出迥樓。
定須催十酒，將來宴五侯。

其六

高閣千尋起，長廊四注連。
歌聲上扇月，舞影入琴弦。
澗水纔窓外，山花卽眼前。
但願長歡樂，從今盡百年。

其七

宜用實字
却不用堆垛

日晚金槌路。朱軒流水車。輕拂綠堤柳。薨飄夾路花。
定迎劉碧玉。將過陰麗華。非是高陽路。莫畏接離斜。

其八

徘徊出桂苑。徙倚就花林。下橋先勸酒。跂石始調琴。
蒲低猶抱節。竹短未空心。絕愛猿聲近。唯憐花徑深。

其九

千尋木蘭館。百尺芙蓉堂。落日低蓮井。行雲礙芰梁。
流水桃花色。春洲杜若香。就階猶不進。催來上伎床。

其十

詠物如此
巧奪天工

出沒聞關
好模畫

搗衣明月下。靜夜秋風飄。錦石平。站面蓮房接。杵腰急。節迎秋韻。新聲入手。調寒衣。須及早。將寄霍嫫媯。

其十一

出沒看樓殿。間關望綺羅。翔禽逐節舞。流水赴絃歌。細管吹藁竹。新杯捲半荷。南宮冠蓋下。日暮風塵多。

其十二

玉柙珠簾捲。金鈎翠幔懸。荷香薰水殿。閣影入池蓮。平沙臨浦口。高柳對樓前。上橋還倚望。遙看採菱船。

其十三

三分一倍
似織實雅

高閣千尋跨，重簷百丈齊。
雲度三分近，花飛一倍低。
吹簫迎白鶴，照鏡舞山雞。
何勞愁日暮，未有夜烏啼。

其十四

用字爲晚
唐濫觴

河流值淺岸，欽轡暫經過。
弓衣濕濺水，馬足亂橫波。
半城斜出樹，長林直枕河。
今朝遊俠客，不畏風塵多。

其十五

清沁入骨

度橋猶徙倚，坐石未傾壺。
淺草開長埭，行營繞細厨。
沙洲兩鶴迴，石路一松孤。
自可尋丹竈，何勞憶酒壚。

其十六

絶對

上林春逕密。浮橋柳路長。龍媒逐細草。鶴警映垂楊。
水似桃花色。山如甲煎香。白石青泉上。誰能待月光。

其十七

戚里風光
占斷春色

白石春泉滿。黃金新埽開。戚里車先度。蘭池馬即來。
落花承舞席。春衫拭酒杯。行厨半路待。載妓一雙迴。

其十八

將軍息邊務。校尉罷從戎。池臺臨戚里。絃管入新豐。
浮雲隨走馬。明月逐彎弓。比來多射獵。唯有上林中。

其十九

一往有傳
氣

細心摸擬
語

三危上鳳翼。九坂度龍鱗。路高山裏樹。雲低馬上人。
懸巖泉溜響。深谷鳥聲春。住馬來相問。應知有姓秦。

其二十

聊開鬱金屋。暫對芙蓉池。水光連岸動。花風合樹吹。
春杯猶雜泛。細菓尚連枝。不畏歌聲盡。先看箏柱欹。

其二十一

洞靈開靜室。雲氣滿山齋。古松栽數樹。盤根無半埋。
愛靜魚爭樂。依人鳥入懷。仲春徵隱士。蒲輪上計偕。

其二十二

揚帝窺簾
燕爭入穿
林鳥亂飛
相類

寫景縹渺

模狀物態
搜伺隱隙
洵詩家之
蘊藹

今朝好風日。園苑足芳菲。竹動蟬爭散。蓮搖魚暫飛。
面紅新着酒。風晚細吹衣。跂石多時望。蓮船始復歸。

其二十三

金鞍聚磧岸。玉軸泛中流。畫鷁先防水。媒龍卽負舟。
沙城疑海氣。石岸似江樓。岸槎時半沒。壞舸或空浮。
定是汾河上。戈船聊試遊。

其二十四

竟日坐春臺。芙蓉承酒盃。水流平澗下。山花滿谷開。
行雲數番過。白鶴一雙來。水影搖藜竹。林香動落梅。

直上山頭路，羊腸能幾迴。

贈周處士

九丹開石室，三徑沒荒林。仙人翻可見，隱士更難尋。
籬下黃花菊，丘中白雪琴。方欣松葉酒，自和遊仙吟。

尋周處士弘讓

試逐赤松遊，披林對一丘。黎紅大谷晚，桂白小山秋。
石鏡菱花發，桐門琴曲愁。泉飛疑度雨，雲積似重樓。
王孫若不去，山中定可留。

鏡

楊洞姪女
臨鏡詩從

此想出

不及何遜
而高於蘇
子卿

玉匣聊開鏡，輕灰暫拭塵。
光如一片水，影照兩邊人。
月生無有桂，花開不逐春。
試挂淮南竹，堪能見四鄰。

梅花

當年臘月半，已覺梅花闌。
不信今春晚，俱來雪裡看。
樹動懸冰落，枝高出手寒。
早知覓不見，真悔著衣單。

詠樹

交柯乍百頃，擢本或千尋。
楓子留爲式，桐孫待作琴。
殘核移桃種，空花植棗林。
幽居對蒙密，蹊徑轉深沉。

鬪雞

有此妙景
無怪介鵝
足以亂魯

春水獨行
人漸遠故
園歸路夜
空長卽此
景

開軒望平子。驟馬看陳王。狸膏燻鬪敵。芥粉盪春塲。
解翅蓮花動。猜羣錦臆張。

應令

望別非新館。開舟卽舊灣。浦喧征棹發。亭空送客還。
路塵猶向水。征帆獨背關。

杏花

春色方盈野。枝枝綻翠英。依稀暎村塢。爛漫開山城。
好折待賓客。金盤襯紅瓊。

庾子山集卷五終

庾子山集卷六

北周新野庾信著

明東海屠隆評

詩

集周公處連句

市朝一朝變，蘭艾本同焚。故人相借問，平生如所聞。

寄徐陵

故人倘思我，及此平生時。莫待山陽路，空聞吹笛悲。

寄王琳

玉關道路遠，金陵信使疎。獨下千行淚，開君萬里書。

情深語至
孟襄陽多
法此

奉和趙王

花徑日相携。花林鳥未棲。比看中郎醉。堪聞烏夜啼。
和劉儀同臻

南登廣陵岸。迴首落星城。不言臨舊浦。烽火照江明。
和庾四

落句韻想
悠然

離關一長望。別恨幾重愁。無妨對春日。懷抱只言秋。
和侃法師三絕

秦關望楚路。灞岸想江潭。幾人應落淚。看君馬向南。

其二

客遊經歲月，羈旅故情多。近學衡陽鴈，秋分俱渡河。

其三

迴首河堤望，眷眷嗟離絕。誰言舊國人，到在他鄉別。
送周尚書弘正

交河望合浦，玄菟想朱鳶。共此無期別，知應復幾年。

其二

離期定已促，別淚轉無從。惟愁郭門外，應足數株松。

重別周尚書

陽關萬里道，不見一人歸。唯有河邊鴈，秋來南向飛。

徐陵別詩
曰惟有當
秋月夜夜
上河橋如

出一轍世
傳徐庾良
非偶然

離思苦景
洛神映箔
湘妃語

其二

河橋兩岸絕橫岐。數路分山川。遙不見。懷袖遠相聞。

贈別

藏啼留送別。拭淚強相參。誰言畜衫袖。長代手中洽。
徐報使來止得一相見

一面還千里。相思那得論。更尋終不見。無異桃花源。
行途賦得四更應詔

四更天欲曙。落月垂關下。深谷暗藏人。欹松橫礙馬。
和江中賈客

五兩開船頭，長橋發新浦。懸知岸上人，遙振江中鼓。

奉和平鄴應詔

天策引神兵，風飛掃鄴城。陣雲千里散，黃河一代清。

送衛王南征

望水初橫陣，移營寇未降。風塵馬足起，先暗廣陵江。

車馬兵威
之盛如草
中蛇影

仙山

金竈新和藥，銀臺舊聚神。相看但莫怯，先師應識人。

其二

石軟如香餅，鉛銷似熟銀。蓬萊暫近別，海水遂成塵。

一橫字半
字有画意

野興清真
原覺軒冕
爲俗

山齋

石影橫臨水。山雲半繞峯。遙想山中店。懸知春酒濃。

野步

值泉仍飲馬。逢花卽舉杯。稍看城闕遠。轉見風雲來。

山中

澗暗泉偏冷。巖深桂絕香。住中能不去。非獨淮南王。

閨怨

明鏡圓花發。空房故怨多。幾年留織女。還應聽渡河。

和趙王看妓

長思統紗石空想搗衣砧。臨叩若有便爲說解琴心。
看舞

鸞迴不假學鳳舉自相關。到嫌衫袖廣恒長礙舉鬟。
聽歌一絕

協律新教罷河陽始學歸。但令聞一曲餘聲三日飛。
暮秋野興賦得傾壺酒

劉伶正捉酒中散欲彈琴。但使逢秋菊何須就竹林。
對酒

數杯還已醉風雲不復知。唯有龍吟笛桓伊能獨吹。

紅燭影迴
仙態近那
得不極飲

春日極飲

檻前聞鳥嘯。園裡對花開。就中言不醉。紅袖捧金杯。

春望

杜子美何
因吹送落

春望上春臺。春牕四面開。落花何假拂。風吹會併來。

花來源發
於庚

新月

毫端剪削
煞有餘巧

鄭環唯半出。秦鈞本獨懸。若交臨酒影。堪言照弩弦。

秋日

蒼茫望落景。羈旅對窮秋。賴有南園菊。殘花足解愁。

望渭水

樹似新亭岸。沙如龍尾灣。猶言吟賸浦。應有落帆還。
塵鏡

明鏡如明月。恒常置匣中。何須照兩鬢。終是一秋蓬。
和淮南公聽琴聞弦斷

嗣宗看月夜。中散對行雲。一絃雖獨韻。猶足動文君。
美琴

雉飛催晚別。烏啼驚夜眠。若交新曲變。惟須促一絃。
其二

不見石城樂。惟聞烏噪林。新聲逐絃轉。應得動春心。

詠羽扇

攄風碎朝翻。拂汗落毛衣。定似回谿路。將軍垂翅歸。

題結綫袋子

交絲結龍鳳。鏤彩織雲霞。一寸同心縷。千年長命花。

賦得鸞臺

九成吹玉琯。百尺上瑤臺。能將秦女去。終是鳳皇來。

我終不以
鳳皇易弄
王

賦得集池鴈

逢風時迴度。逐侶乍爭飛。猶憶方塘水。今秋已復歸。

詠鴈

托况最深
南思洞庭水北想鴈門關稻梁俱可戀飛去復飛還

李肱霓裳羽衣曲見

賞於唐只

是移不得

他處此詩

亦然

忽見檳榔

綠房千子熟紫穗百花開莫言行萬里曾經相識來

賦得荷

秋衣行欲製風蓋漸應欹若有千年蔡湏巢但見隨

移樹

酒泉移赤柰河陽徙石榴雖言有千樹何處似封侯

奉梨

接枝秋轉脆含情落更香擎置仙人掌應添瑞露漿

傷往

見月長垂淚。花開定歛眉。從今一別後。知作幾年悲。

其二

鏡塵言苦厚。蟲絲定幾重。還是臨窻月。今秋迥照松。

春日離合

秦青初變曲。未有逐琴心。明年花樹下。月月來相尋。

其二

田家足閒暇。士友暫流連。三春竹葉酒。一曲鴟鷄絃。

和迴文

紅粉笙歌
人代遠月
明陵樹水
東流與此
詩合

旱蓮生竭、鑊嫩菊養秋、鄰滿池留浴鳥、分橋上戲人、

問疾封中錄

唐皮日休
檀場雙聲
存其體可
耳

形骸違學、宦狹巷幸爲閒、虹廻或有雨、雲合又含寒、
橫湖韻鶴下、廻溪狹猿還、懷賢爲榮衛、和緩惠綺紈、

示封中錄

貴館居金谷、關扃隔藁街、冀君見果願、郊間光景佳、

其二

高階旣激澗、廣閣更交柯、葛巾久乖角、菊逕簡經過、

秋夜望單飛鴈

情癡語

失群寒鴈聲可憐、夜半單飛在月邊、無奈人心復有
憶今暝將渠俱不眠

代人傷往

青田松上一黃鶴、相思樹下兩鴛鴦、無事交渠更相
失。不。及。從。來。莫。作。雙。

其二

雜樹本唯金谷苑、諸花舊滿洛陽城、正是古來歌舞
處、今日看時無地行、

庾子山集卷六終

庾子山集卷七

北周新野庾信著

明東海屠隆評

郊廟歌辭

周祀圓丘歌

昭夏

降神

相梁體

重陽禋祀大報天。丙午封壇肅且圓。孤竹之管雲和
絃。神光未下風肅然。王城七里通天臺。紫微斜照影
徘徊。連珠合璧重光來。天策斲轉鈞陳開。

皇夏

皇帝入門

莊重縝密
雅頌體裁

旌廻外壘。蹕靜郊門。千乘按轡。萬騎雲屯。藉茅無咎。
掃地唯尊。揖讓展禮。衡璜節步。星漢就列。風雲相顧。
取法於天。降其永祚。

昭夏

俎入

日至大禮。豐犧上辰。牲牢脩牧。繭栗毛純。俎豆斯立。
陶匏以陳。大報反命。居陽兆日。六變鼓鐘。三和琴瑟。
俎竒豆偶。惟誠惟質。

昭夏

奠玉帛

圓玉已奠。蒼幣斯陳。瑞形成象。璧氣含春。禮從天數。

智總圓神爲祈爲祀至敬咸遵

皇夏

皇帝升壇

七里是仰。八陛有憑。就陽之位。如日之升。思虔肅肅。致敬繩繩。祝史陳信。玄象斯格。惟類之典。唯靈之澤。幽顯對揚。人神咫尺。

雲門舞

初獻

獻以誠。鬱以清。山嶽舉。沈齊傾。推尚饗。洽皇情。降景

福。通神明。

雲門舞

初獻配帝

的是漢郊
祀歌

長丘遠歷。大電遙源。弓藏高隴。鼎沒寒門。人生于祖。物本於天。莫神配德。迄用康年。

登歌

初獻及獻配帝畢奏

歲之祥。國之陽。蒼靈敬翠雲。長象爲飾。龍爲章。乘長日。坏蟄戶。列雲漢。迎風雨。六呂歌雲門。舞省滌濯奠牲牲。鬱金酒。鳳凰樽。迴天睽。顧中原。

皇夏

飲福酒

國命在禮。君命在天。陳誠唯肅。飲福唯虔。洽斯百禮。福以千年。鈎陳掩映。天駟徘徊。彤禾飾竿。翠羽承鬯。

受斯茂祉。從天之來。

雍夏 撤奠

禮將畢。樂將闌。迴日響。動天關。翠鳳搖。和鸞響。五雲飛。三步上。風爲馭。雷爲車。無轍迹。有煙霞。暢皇情。休靈命。雨留甘。雲餘慶。

皇夏 就望燎位

六典聯事。九司咸則。率由舊章。于焉允塞。掌禮移次。燔柴在焉。煙升玉帛。氣歛牲牲。休氣馨香。管芳昭晰。翼翼虔心。明明上徹。

陰澤都尽
陽華獨存
湖淵乎如
出金石

惟取典常
不求新特

焚香登玉
壇端簡札
金闕宜爾
鴻暢

皇夏
還便殿

玉帛禮畢。神人事分。嚴承乃睠。瞻仰迴雲。輦路千門。
王城九軌。式道移候。司方迴指。得一惟清。於萬斯寧。
受茲景命。於天告成。

周祀方澤歌
方澤舞辭同

昭夏
降神

報功陰澤。展禮玄郊。平琮鎮瑞。方鼎升庖。調歌孫竹。
縮酒江茅。聲舒鐘鼓。器質陶匏。列耀秀華。凝芳都荔。
川澤茂祉。丘陵客衛。雲飾山巒。蘭浮汎齊。日至之禮。

歆茲大祭。

昭夏 奠玉帛

曰若厚載。欽明方澤。敢以敬恭。陳之玉帛。德包含養。功藏靈迹。斯箱既千。子孫則百。

登歌 初獻

質明孝敬。求陰順陽。壇有四陛。琮分八方。牲牲蕩滌。蕭合馨香。和鸞戾止。振鷲來翔。威儀簡簡。鐘鼓喤喤。聲和孤竹。韻人空桑。封中雲氣。坎上神光。下元之主。功深蓋藏。

格合前古
使事亦切

皇夏

望坎位

司筵撤席、掌禮移次、迴顧封壇、恭臨坎位、瘞玉埋俎、
藏芬歛氣。是日就幽。成斯地意。

周祀五帝歌

皇夏

奠玉帛

嘉玉惟芳。嘉幣惟量。成形依禮。稟色隨方。神班其次、
歲禮惟常。威儀抑抑。率由舊章。

皇夏

初獻

惟令之月。惟嘉之辰。司壇宿設。掌史誠陳。敢用明禮、

異括月令

言功上神。鈞陳旦闕。闔闔朝分。旒垂象冕。樂奏山雲。
將迴靈策。蹙轉天文。五運周環。四時代序。鱗次玉帛。
循迴樽俎。神其降之。介福斯許。

青帝雲門舞

以下並初獻奏

甲在日鳥中星。禮東后。奠蒼靈。樹春旗。命青史。候鴈
還。東風起。歌木德。舞震宮。泗濱石。龍門桐。孟之月。陽
之天。億斯慶。兆斯年。

配帝舞

帝出於震。蒼德於神。其明在日。其位居春。勞以定國。

功以施人言從配祀近取諸身

赤帝雲門舞

蕩繹可儼
甘泉之賦

招搖指午對南宮。日月相會實沈中。離光布政動溫風。純陽之月樂炎精。赤雀丹書飛送迎。朱絃絳鼓馨虔誠。萬物含養各長生。

配帝舞

以炎為政以火為官。位司南陸享配離壇。三和實俎百味浮蘭神其茂豫。天步艱難。

配帝歌多
不如本帝
非才不足
格不可踰
耳

黃帝雲門舞

五德惟土
爲和平歌
亦如是

五氣四時
咸兼者土
也配帝之
歌及此一
字不詩

染指拈毫
白鳳欲逝

三光儀表正。四氣風雲同。戊巳行初曆。黃鍾始變宮。
平琮禮內鎮。陰管奏司中。齊壇芝曄曄。清野桂馮馮。
夕牢芬六鼎。安歌韻八風。神光乃超忽。嘉氣恒葱蔥。
配帝舞

四時咸一德。五氣或同論。猶吹鳳凰管。尚對梧桐園。
器園居土厚。位總配神尊。始知今奏樂。還用我雲門。
白帝雲門舞

肅靈允景。承配秋壇。雲高火落。露白蟬寒。帝律登年。
金精行令。瑞獸霜耀。祥禽雪映。司藏肅殺。萬寶咸宜。

厥田上上。收功在斯。

配帝舞

金行秋令。白帝朱宣。司正五雉。歌庸九川。執文之德。對越彼天。介以福祉。君子萬年。

黑帝雲門舞

北辰爲政。玄壇北陸。之祀員官。宿設玄璜。浴蘭坎德。陰風御寒。次律將迴。窮紀微陽。欲動細泉。管猶調於陰竹。聲未入於春絃。待歸餘於送歷。方履慶於斯年。

配帝舞

擊鞀鳴絲
鏗金鏘石

取法九歌
得其遺旨

地始坼。虹始藏。服玄玉。居玄堂。沐蕙氣。浴蘭湯。匏器
潔。水泉香。涉配彼。福無疆。君欣欣。此樂康。

周宗廟歌

皇夏
皇帝入廟門

肅肅清廟。巖巖寢門。欽器防滿。金人戒言。應棟懸鼓。
崇牙樹羽。階變升歌。庭紛象舞。閑安追設。緝熙清奠。
春籥初登。新萍先薦。優然入室。儼乎在位。悽愴履之。
非寒之謂。

昭夏
降神

永維祖武。潛慶靈長。龍圖革命。鳳曆歸昌。功移上塲。
德耀中陽。清廟肅肅。猛簏煌煌。曲高大夏。聲和盛唐。
牲牲蕩滌。蕭合馨香。和鸞戾止。振鷺來翔。永敷萬國。
是則四方。

皇夏

俎入皇帝升階

年祥辨日上。協龜言奉。酌承列來。庭駿奔彫。禾飾掌
翠羽。承樽敬殫。如此恭惟。執燔。

皇夏

獻皇高祖

慶緒千重秀。洪源萬里長。無時猶戢翼。有道故韜光。

盛德必有後。仁義終克昌。明星初肇慶。大電久呈祥。

皇夏

獻皇曾祖德皇帝

克昌光上烈。基聖穆西藩。崇仁高涉渭。積德被居原。
帝圖張往迹。王業茂前尊。重芬德陽廟。疊慶壽陵園。
百靈光祖武。千年福孝孫。

皇夏

獻皇祖太祖文皇帝

雄圖屬天造。宏略遇羣飛。風雲猶聽命。龍躍遂乘機。
百二當天險。三分拒樂推。函谷風塵散。河陽氛霧晞。
濟弱淪風起。扶危頽運歸。地紐崩還正。天樞落更追。

原祠乍超忽。畢隴或綿微。終封三尺劔。長卷一戎衣。

皇夏

獻文宣皇太后

月靈典慶。沙祥發源。功參禹迹。德贊堯門。言容典禮。
綸狄徽章。儀形溫德。令問昭陽。日月不居。歲時晬晬。
瑞雲纏心。闕宮惟遠。

皇夏

獻閔皇帝

只描可開
之意

龍圖基代德。天步屬艱難。謳歌還受瑞。揖讓乃登壇。
升輿芒刺重。入位據關寒。卷舒雲汎濫。游揚日浸微。
出鄭終無反。居桐竟不歸。祀夏今惟舊。尊靈謚更追。

鋪張盛明
氣象藻艷
紛披

皇夏 獻明皇帝

若水逢降君。窮桑屬惟政。丕哉馭帝籙。爵矣當天命。
方定五雲官。先齊八風令。文昌氣似珠。太史河如鏡。
南宮學已開。東觀書還聚。文辭金石韻。毫翰風飈豎。
清室桂馮馮。齊房芝詡詡。寧思玉管笛。空見靈衣舞。

皇夏 獻高祖武皇帝

南河吐雲氣。北斗降星辰。百靈咸仰德。千年一聖人。
書成紫微動。律定鳳凰馴。六軍命西土。甲子陳東隣。
戎衣此一定。萬里更無塵。煙雲同五色。日月竝重輪。

流沙既西靜。蟠木又東臣。凱樂聞朱鴈。鏡歌見白麟。
今爲六代祀。還得九疑賓。

皇夏 歛福酒

嘗耐玉卮
畢獻辭不
在多

禮殫裸獻。樂極休成。長離前揆。宗祀文明。縮酌浮蘭。
澄。疊。合。鬯。磬。折。禮。容。旋。迴。靈。貺。受。釐。徹。俎。飲。福。移。樽。
惟光惟烈。文子文孫。

皇夏 還便殿

雲衢沛艾
儀衛葦蕤
的是皇輿
廻轉

庭闕四始。筵終三薦。顧步塔墀。徘徊餘奠。六龍矯首。
七萃警途。鼓移行漏。風轉相烏。翼翼從事。綿綿四時。

惟神降嘏。永言保之。

周大禘歌

昭夏 降神

律在夾鍾。服居蒼袞。杳杳清思。綿綿長遠。就祭於合。
班神於本。來庭有序。助祭有章。樂舞六代。賓歌二王。
和鈴以節。儔革斯鏘。齊宮饌玉。鬱竽浮金。洞庭鐘鼓。
龍門瑟瑟。其樂已變。惟神是臨。

登歌

奠玉帛

神惟顯思。不言而令。玉帛之禮。敢陳莊敬。奉如弗勝。

威儀無文
之詩不在

薦如受命。交於神明。慤於言行。

燕射歌辭

周五聲調曲

序曰。元正饗會大禮。賓至食舉。稱觴薦玉。六律既從。八風斯暢。以歌大業。以舞成功。

宮調曲

氣離清濁。剖元開天地。分三才。初辨正。六位始成文。繼天爰立長。安民乃樹君。其明廣如日。其澤厚如雲。惟昔我文祖。撥亂拒謳歌。三分未撫運。八百不陵河。

禮敷天下信。樂正神人和。風塵行息警。江海欲無波。

又

我皇承下武。革命在君臨。應圖當舜玉。嗣德受堯琴。
沈首多推運。陽城有讓心。就日先知遠。觀淵早見深。
玄精實委御。蒼正乃皆平。履端朝萬國。年祥慶百靈。
玉帛咸觀禮。華戎各在庭。鳳響中夷則。天文正玉衡。
皇基自天保。萬物乃由庚。

模擬紫禁
黃圖之盛
不減李程
自五色賦

握衡平地紀。觀象正天樞。祺祥鍾赤縣。靈瑞炳皇都。
更受昭華玉。還披蘭葉圖。金波來白兔。弱水下蒼烏。

玉斗調元協金沙富國租青丘還擾圃丹穴更巢梧
安樂新成慶長生百福符

明明九族序穆穆四門賓陰陵朝北附蟠木引東臣
澗途求版築溪源取釣綸多士歸賢戚維城屬茂親
貴位連南斗高榮據北辰迎時乃推策司職且班神
日月之所照霜露之所均永從文軌一長無外戶人

又

鬱盤舒棟宇崢嶸侔大壯拱木詔林衡全模徵梓匠
千櫨綺翼浮百栱長虹抗北去邙鄆道南來偃師望

景福靈光
直以數言
撮其要

龍首載文。槐雲楫承。武帳居者。非求隘卑。宮豈難尚。
壯麗天下。觀是以從。蕭相。

變宮調

帝遊光出震。君明擅在離。巖廊惟眷顧。欽若尚無爲。
龍穴非難附。鸞巢欲可窺。具茨應不遠。汾陽寧足隨。
烝民播植重。溝洫劬勞多。桑林還注雨。積石遂開河。
明徵逢永命。平秩值年和。更有薰風曲。方聞晨露歌。

又

移風廣軒曆。崇德盛唐年。成文興大雅。出豫動鈞天。

黃鍾六律正。閭闔八風宣。孤竹調陽管。空桑節雅弦。
舞林鸞更下。歌山鳳欲前。聞音能辨俗。聽曲乃思賢。
感物觀治亂。心恒防未然。君子得其道。太平何有焉。

商調曲

君以宮唱。寬大而謨明。臣以商應。聞義則可行。有熊
爲政。訪道於容成。殷湯受命。委任於阿衡。忠其敬事。
有罪不逃刑。誦其箴諫。言之無隱情。有剛有斷。四方
可以寧。旣頌旣雅。天下乃升平。專精一致。金石爲之
開。動其兩心。妻子恩情乖。苟利社稷。無有不盡懷。昊

天降祐。元首唯康哉。

百川俱會。大海所以深。羣材既聚。故能成鄧林。猛虎在山。百獸莫敢侵。忠臣處國。天下無異心。昔我文祖。執心且危慮。驅剪豺狼。經營此天步。今我受命。又無敢逸豫。惟爾弼諧。各可知兢懼。

禮樂既正。神人所以和。玉帛有序。志欲靜干戈。各分符瑞。俱誓裂山河。今日相樂。對酒且當歌。道德以喻。聽撞鍾之聲。神姦不若。觀鑄鼎之形。鄩宮既朝。諸侯於是。穆岐陽。或狩淮夷。自此平。若涉大川。言憑於舟。

櫜如和鼎實。有寄於鹽梅。君臣一體。可以靜氛埃。得人則治。何世無奇才。

風力是舉。而台階序平。重黎既登。而天地位成。功無與讓。銘太常之旌。世不失職。受駢毛之盟。輯瑞班瑞。穆穆於堯門。惟翰惟屏。膺膺於周原。功成而治定。禮樂斯存。復子而明辟。姬旦何言。

角調曲

止戈見於絕轡之野。稱伐聞於丹水之征。信義俱存。乃先忘食。五材並用。誰能去兵。雖聖人之大寶曰位。

玉齋齋而
珠圓融

實天地之大德。曰生涇渭同流。清濁異能。琴瑟並御。
雅鄭殊聲。擾擾烝人。聲教不一。茫茫禹跡。車軌未并。
志在四海。而尚恭儉。心包宇宙。而無驕盈。言而無文。
行之不遠。義而無立。勤則無成。惻隱其心。訓以慈惠。
流宥其過。哀矜典刑。

匡贊之士。或從漁釣。雲雨之才。乍嘆幽谷。尋芳者追。
深徑之蘭。識韻者探窮山之竹。克明其德。貢以三事。
樹之風聲。言於九牧。協用五紀。風若從事。農用八政。
甘作其穀。殊風共軌。見之周南。異畝同穎。聞之康叔。

娉婷女子
曳舞霓裳

雅淡冲融
非教坊聲
樂

祁寒暑雨。是無胥怨。天覆雲油。滋焉滲漉。幸無謝上
古之淳人。庶可以封之于比屋。

徵調曲

乾坤以含養覆載。日月以貞明照臨。達人以四海爲
務。明君以百姓爲心。水波瀾者源必遠。樹扶疎者根
必深。雲雨取施無不洽。廊廟求才多所任。
淳風布政常無欲。至道防人能變俗。求仁義急於水
火。用禮讓多于菽粟。屈軼無佞人可指。解豸無繁刑
可觸。王道蕩蕩用無爲。天下四人誰不足。

猱狄騰孛
風雨橫厲

聖人千年始一生。黃河千年始一清。攝提以之而從
紀。玉燭於是而文明。東南可以補地缺。西北可以正
天傾。浮龜則東海可厲。運鍾則南山可平。衆仙就朝
於瑤水。羣帝受享於明庭。懷和則韎任竝。奏功烈則
鐘鼎俱銘。

三光以記物呈形。四時以裁成正位。雷風大山岳之
響。寒暑通陰陽之氣。武功則六合攸同。文教則二儀
經緯。有道則咸浴其德。好生則各繁其類。白日經天
中則移。明月橫漢滿而虧。能虧能缺。旣無爲。雖盈雖

滿則不危。開信義以爲苑囿。立道德以爲城池。周監
二代所損益。郁郁乎文。其可知。庖犧之親臨佃漁。神
農之躬秉耕稼。湯則救旱而憂勤。禹則正冠而無服。
草上之風無不偃。君子之吓知可化。將欲比德於三
皇。未始追踪於五霸。

纖纖不絕林薄成。涓涓不止江河生。事之毫髮無謂
輕。慮遠防微乃不傾。雲官乃垂拱。大君鳳曆唯欽明。
元首類上帝而禋六宗。望山川而朝羣后。地鏡則山
澤俱開。河圖則魚龍合負。我之天網莫不該。閭闔九

關天門開。卿相則風雲玄感。匡贊則星辰下來。既興周室之三聖。乃舉唐朝之八才。萃臣參謀于左相。天老教政於中台。其宜作則於明哲。故無崇信於姦回。

又

正陽和氣萬類繁。君王道合天地尊。黎人耕植於義圃。君子翱翔於禮園。落其實者思其樹。飲其流者懷其源。咎繇爲謀不仁遠。士會爲政羣盜奔。克寬則昆蟲內向。彰信則殊俗宅心。浮橋有月。支抱馬上。苑有烏孫。學琴赤玉。則南海輪賚。白環則西山獻琛。無勞

鑿空於大夏不待蹶角於蹠林

羽調曲

筆所未到
氣已吞文
中亦有八
駿

樹君所以牧人立法所以靜亂首惡旣其南巢元兇
於是北窳居休氣而四塞在光華而兩且是以雨施
作解是以風行唯渙周之文武洪基光宅天下文思
千載克聖咸熙七百在我應期實昊天有成命惟四
方其訓之

大者嶮峻
小者嶮鬼
皆成至寶

運平後親之俗時亂先疎之雄踰桂林而驅象濟弱
水而承鴻旣浮千呂之氣還吹八律之風錢則都內

雲飛太華
花發長安
如此華美

窮搜旁探
皆是驪龍

貫朽倉則常平粟紅火中乃寒乃暑年和一風一雨
聽鐘磬念封疆聞笙竽思蓄聚瑤琨篠蕩既從怪石
鉛松卽序長樂善馬成廐水衡黃金爲府

百川乃宗巨海衆星是仰北辰九州攸同禹跡四海
合德堯臣朝陽栖于鳴鳳靈時牧于般麟雲玉葉而
五色月金波而兩輪涼風迎時北狩小暑戒節南巡
山無藏於紫玉地不愛於黃銀雖南征而北怨實西
略而東賓既永清於四海終有慶於一人
定律零陵玉管調鐘始平銅尺龍門之下孤桐泗水

領下之物

之濱。鳴石。河靈於是讓珪。山精所以奉璧。滌九川而賦稅。乘三危而納錫。北里之禾六穗。江淮之茅三春。可以玉檢封禪。可以金繩探冊。終永保於鴻名。足揚光于載籍。

出沒二雅
馳驟尚書

太上之有立德。其次之謂立言。樹善滋於務本。除惡窮於塞源。冲深其智。則厚昭明其道。乃尊仁義之財。不匱忠信之禮。無繁動天。無有不屆。唯時無幽不徹。作德心逸日休。作偽心勞日拙。自非剛克掩義。無所離於勦絕。

卷終

庾子山集卷第八

北周新野庾信著

明東海屠隆評

表

賀平鄴都表

起有局陣

臣某言。臣聞太山梁甫。以來卽有七十二代。龍圖龜書之後。又已三千餘年。雖復制法樹司。禮殊樂異。至於文離武落。剡水弦弧。席卷天下之心。包含八荒之志。其揆一矣。伏惟皇帝陛下。握天樞。秉地軸。駕馭風雲。驅馳龍虎。沉雄內斷。不勞謀於力。牧天策。勇決無

霓旌羽蓋
焜耀一世

待問於賓成。是以威風所振。烈火之遇鴻毛。旗鼓所
臨。衝風之卷秋葉。竊聞伊洛戎夷。幽并僭偽。抱圖載
籍。已歸丞相之府。銜玉繫綬。竝詣中軍之營。百年逋
誅。遂窮巢窟。三代敵怨。俄然掃蕩。昔周王銷水之師。
尚勞再駕。軒轅上谷之戰。猶須九代。未有一朝指麾。
獨決神慮。平定寓內。光宅天下。二十八宿止餘。吳越
一星。千二百國。裁漏麟洲。小水若夫咸康之年。四方
始定。建武之代。諸侯竝朝。不得同年而語矣。雖復八
風竝唱。未足頌其英聲。六樂俱陳。無以歌其神武。坐

鉤臺而誓衆。妣啓繼夏禹之功。入商郊而問罪。姬發成周文之志。無改之道。大孝也歟。當今鹿臺已散。離宮已遣。兵藏武庫。馬入華山。立明堂之制。奏大武之樂。盛矣哉。上天降休。未之有也。政須東南一尉。立於比景之南。西北一候。置於交河之北。然後命東后。詔蒼冥。衢壇琬碑。銀繩瓊檢。告厥成功。差無慙德。臣忝竊榮幸。蒞政東藩。不獲躬到闕庭。預觀大慶。不勝鳧藻踊躍之至。謹遣主簿陪臣曹敏。奉表以聞。

賀新樂表

周武帝

鎮得住

臣等言臣聞天地順動。則雷出爲豫。聖人成功。則風行有節。故六德在咸池之官。山谷可調。八風入承雲之奏。人神不雜。我太祖文皇帝。體國經野。設官分職。變魏作周。移風正雅。衣裳而朝萬國。珪璧而會諸侯。至如經綸圖籍。校讐煙燼。樂正無缺章。秩宗無廢典。豈但商頌十篇。得諸太師之室。虞書五禮。取於恭王之宮。伏惟皇帝以下武嗣。與中陽繼業。運日月之明。動淵泉之慮。律歷著微。無煩於太史。陰陽晷度。躬定於天官。故得參考八音。研精六代。封晉魏爲二王序。

烘燿有燿
出於胚渾
入於鴻業

每於轉處
鴻藻盤開

殷周爲三恪、雖復朱干玉戚、尚識典刑、素韞纁裳、猶
因雄據、未若山雲特起、八卦成形、鳳皇于飛、九州觀
德、改金奏於八列、合天元於六舞、聲含擊石、更入登
歌、調起初鍾、還叅玉管、足以感天地而通神明、康帝
德而光玄象、昔者齋居玄扈、爲曲在於雲門、師度盟
津、習舞歸于山立、遂乃包括三名、克諧一代、作者之
謂聖、天之所啓乎、豈惟路鼓靈鼗、空桑孤竹、廣矣大
矣、輪焉奘焉、是知零陵孝廉、空傳玉管、始平太守、虛
稱銅尺、臣等竝預鈞天、同觀張樂、軒墀弘敞、欄檻眺

餘音猶自
縹緲

聽崇牙業業。猛篋趙趙。翠鳳揚旌。靈鼉樹鼓。杳冥雲
霧。蕩薄丘陵。醴泉與甘露同飛。赤鴈與斑麟俱下。聘
魯請觀。理當見其盛德。適齊忘味。定是知其盡美。昔
淵魚聽曲。尚得聳鱗。櫪馬聞絃。猶能仰秣。臣等誠愧
知音。敢忘悅豫。若使詳其音律。是所邈然。但能記其
鏗鏘。於茲爲幸。不勝慶悅之誠。謹詣朝堂奉表以聞。
爲閭大將軍乞致仕表

臣某言。臣聞禮云。大夫七十致仕於朝。傳家於子。膳
則貳珍。衣稱時制。臣自出身奉國。四十餘年。遭遇風

雲從微至著。太祖文皇帝扶危濟難。奄有關河。臣實
無堪。中涓從事。自洛食風塵。河梁旗鼓。華陰有白馬
之兵。河曲有黃沙之陣。臣雖用命。不能奇策。功薄賞
厚。因人成事。恩澤年表。常以愧心。仰逢周朝。以揖讓
登庸。謳歌受命。主貴臣遷。頰頰榮寵。三槐以鑄鼎象
物。知其神。姦五等。以桓珪飾瑞。守其宮室。臣以何德
兼而有之。况復水土之職。王梁以應讖。受徵兵戈之
王。韓信以登壇。獨拜語其連類。臣又何人。當今四海
未寧。三方鼎峙。陛下勞心之日。羣公展效之秋。而臣

甲子既多。羣年又及。無忝賓客之事。謬達諸侯之班。尸祿素餐。久紊彝典。負乘致寇。徒煩有司。加以寒暑乖違。節宣失序。風水交侵。菁華已竭。雖復廉頗強飯。馬援據鞍。求欲報恩。何能爲役。榮啓期之樂。適足自貽。燭之武之言。無能爲也。特乞解所居官。言從初服。事符骸骨之請。非謀几杖之賜。若臣北陵移病。東臯歸老。山河茅社。一反司勳。公侯珪璧。還封典瑞。則朝無冒位之人。臣免妨賢之責。虞氏養老。敢希東序之榮。周朝如荼。豈望西郊之禮。但瞻仰天威。方違咫尺。

徘徊城闕，私增悽戀，不任知止之情。

代人乞致仕表

情與悲涼

臣。遡。言。臣。聞。一。葉。將。隕。寧。待。於。風。露。百。川。皆。到。自。竭。者。潢。汗。臣。輒。感。之。以。悲。以。咽。臣。某。中。謝。臣。仲。春。之。末。舊。患。漸。加。雙。足。頗。蹇。四。支。不。利。扶。步。有。却。鄆。之。失。勉。視。無。離。婁。之。明。安。可。率。此。畱。務。溷。茲。恒。典。陛。下。恩。周。曲。成。未。忍。捐。棄。微。臣。困。至。於。亟。轉。不。堪。勝。臣。所。以。自。咎。自。傷。淚。繼。之。血。臣。某。中。謝。臣。特。承。先。緒。進。不。因。人。陛。下。憫。臣。無。用。舉。直。而。有。戇。自。奉。圖。太。極。宣。綍。中。書。

陛下收臣以一心。任臣以獨掌。九年冀登宰輔。八歲載踐宗伯。出擁干旄。入參衡鏡。或雲臺之上。微臣預疇咨之旨。或日觀之下。詔臣操刊勒之文。美而暢之。臣實尤忝明憲。不敢以纖負。玄造竟微於滴助。日月其始。冰炭交集。誠懷伏以前陪政事。親荷德音。謂臣等經侍軒墀。子孫尚延保護。臣荷螻蟻。歛戴丘山。臣宜生亦盡命。死且陳力。竊不知終而不知止。朝列三數。與臣同儕。臣未六十。推臣則幼。獨臣彌當頓頓。病不俟年。盈量窮涯。滿而招損。逾時每乖於勿藥。永日

猶繫於苞桑。覽分必然。貪榮所忌。伏乞免臣見職。退
畢餘生。察臣榮不可支。矜臣分不能強。廼臣之幸也。
豈悟仁壽之闕。有此一時。承明之廬。無緣再謁。心神
已弊。晷刻增悲。叨睿鑒則多士莫先。遺聖顏則小臣
何遠。惟冀三條啓道。萬乘巡京。悅西怨之羣黎。逮東
風之從者。危覓倘駐。枯骨如存。是臣之愜。非臣所望。
臣又聞驅奔効。駕先輟於羸駘。翔集賀成。近遺於鍛
翻。彼尚知暮。而况臣哉。聞未遑請。臣之懇戀。至於隳
官。臣合書罪。無任戰慄。懇結之至。

齊王進白兔表

臣聞輿圖欲遠。則玉虎晨鳴。轍迹方開。則銀驪入貢。伏惟陛下。明明在上。翼翼居尊。德動天關。威移地軸。是以風煙照燭。毛羽禎祥。史不絕書。府無虛日。臣受服元戎。用綏邊鄙。轅門所屆。始次熊山。前茅慮無。乃獲白兔。光鮮越雉。色麗秦狐。月德符徵。金精表瑞。呈祥輿頌。効異披圖。尊敬之迹。旣明。應事之機。斯兆。臣之龔行。實從陝略。瑞以素質。彌雄西氣。庶重承廟筭。方事申威。揜代偃齊。分韓裂趙。不任鳧藻踊躍之情。

傳會生情
想當然耳

頓挫抑揚
作表當以
此為式

齊王進蒼烏表

臣某言、臣聞飛南陽之雉、尚闡霸圖、下建章之鵠、猶
調和氣況、乃虞庭告瑞、姬社呈祥、咸高識哺之心、實
貴能知之性、伏惟皇帝陛下、德教百姓、孝刑四海、攝
提從紀、天下文明、是以東海輸禽、乍改黔質、西山度
羽、或變蒼精、臣去月三十日、行到陝州、獲大都督莫
仁回樂列、稱於州射堂內、見一蒼烏、林薄回翔、循環
不去、駐乘木之精、轉司風之翼、卽召儀同某甲等、同
時觀見、斯實禮敬所覃、孝慈之感、理宜歸瑞、秘圖書

新粧明艷
絕世佳人

祥帝冊用光至德。取効升平。無令赤鳳留止。偏爲瘞
玉之歌。玄鶴徘徊。獨擅銜珠之舞。

齊王進赤雀表

臣某言。臣聞南陽雉飛。尚論秦霸。建章鵠下。猶明漢
德。當今天不愛寶地。必呈祥。自應長樂觀符。文昌啓
瑞。伏惟皇帝欽明文思。惟以劬勞成務。曆象日月。允
釐百工。海水無波。天星不動。去四月十三日。獲隴右
符。府參軍李暉牒。稱戶屬秦川。清水郡伯陽縣文谷
林在家庭。獲一赤雀。光同朱鳳。色類丹烏。降火飛精。

謨詞臺臺
動聽

似入公車之府。流金成製。若上凌雲之臺。謹按赤雀
銜書。止於鄴戶。周之受命。與乎此祥。卽事所觀。同符
合契。實可圖形。瑞譜書頌。儒林事足。成臺名堪。紀號
豈直雲中。太守見赤心之奉主。蓬萊童子知白環之
報恩。臣等預觀休徵。情迫恒慶。不任鳧藻之至。

爲晉陽公進玉律秤尺斗升表

臣某言。臣聞三才旣立。君臣之道已陳。六位時成。禮
樂之功斯正。故以叶和日月。測度陰陽。悅豫兆人。儀
刑萬國者也。伏惟皇帝。應籙馭天。披圖受命。據太陽

就在律上
生頌淵玄
澄澈

而懸像。履文昌而建極。白環表讓德之符。玄珪告成
功之瑞。太階既平。升中可習。必當水建。千年山稱。萬
歲伏見。勅旨刊正音律。平章曆象。奏黃鍾而歌大呂。
變孤竹而舞雲門。莫不遠取疎通。聲從安樂。四分既
明。三微且定。是以聞鐘於洛。浦卽辨聲。乖聽鐸於邯
鄲。先知響韻。二分二至。行於司曆之官。九變九成。被
於中和之職。足以動天地。感鬼神。被風俗。平寒暑。豈
直吟嘯谿谷。回翔鸞鳳而已哉。是知零陵廟前。徒尋
舜管。始平城下。空論周尺。臣聞上制其禮。下習其儀。

採擷菁蕪

君定其法。臣行其事。謹造玉律一具。并玉秤尺斗升
合等。始得成功。至於分粟累黍。量絲數籥。實以仰稟
聖規。參詳神思。所冀節移陰管。無勞河內之灰。氣動
陽鍾。不待金門之竹。而琬琰事輕。般倕慮淺。不足展
乎成均。增輝度量。賁噐奉表以聞。

進象經賦表

臣某言。臣伏讀聖製象經。并觀象戲。私心踴躍。不勝
抃舞。伏以性與天道。本絕尋求。直以懸諸日月。遂獲
瞻仰。九州既奠。近對河圖。四轍中繩。全觀玉策。未飛

弘詞兩句
衝口而成

玄鶴先聞金石之聲。不上赤城。獨見煙霞之氣。置管而測。光景愈高。沉玉而觀。淵泉益遠。寢不自涯。課虛爲賦。詞非寥亮。學無雕刻。遂敢陳述。誠爲厚顏。况復日之遠近。本非童子所問。天之渾蓋。豈是書生所談。冒用奏聞。伏增流汗之至。

賀傳位於皇太子表

臣某言。伏見二月十九日。詔傳位於皇太子。昔者降居弱水。登庸有優劣之殊。來朝櫟陽。繼體有君臣之異。不得與夫天之兩日。日之再中。竝曜聯輝。重明雙

善於鋪揚

巧奪天孫
之杼

照同年而語矣。伏惟天元皇帝唯聖作聖，惟親尊親，降意於與能，鳴謙於神器，欲令百二相和，光聞揖讓之風。天下無爲，早識吾君之子，是以運獨見之明，行非常之事。先天不違，後天而奉，皇太子身貞萬國，道照四門，夙膺再命之符，實允基天之命，非關復子明辟，異於遷虞事夏，旣損旣益，尚或二天爲離，爲火，何妨兩日且平。陽蒲坂賢臣則二十五人，顓頊高辛才子則一十六族，與此計事，何遽無成。饗乎鼓之，軒乎舞之，自當八風通慶，雲聚五老同遊，三星運曜，豈直

與以美名
足令心喜

雙龍再賜。九雉重飛而已哉。皇帝邈然姑射。正當乘
雲馭龍。問道崆峒。豈復先秋木落。生預堯年。時逢舜
日。覩惟新之慶。實倍萬恒情。

爲杞公讓宗師驃騎表

臣聞堯分四岳。是以望秩山川。舜命九官。是以光華
日月。必須儀刑以德。明試以功。乃可協和萬邦。咸熙
庶績。臣幼無學植。長闕裁成。鴻都之門。不能定其章
句。雞鹿之塞。無以名其碑碣。憑天潢之派。水附若木
之分。枝東岳。則朝宿有名。南宮。則門闈有籍。在臣庸

雅暢亦復
悽惻

劣久之滿盈。武陽以功臣之重。特拜宗師。東平以母
弟之尊。超登上將。臣有何德。能兼此榮。臣早傾庭蔭。
曾未扶墻。母氏慈訓。哀矜苦勞。甫及成人。復垂捐棄。
几筵如在。志離鞠養之恩。終天無報。叩地難任。欲草
土丘陵。終身坐域。霜露申履時之感。鷺雀展迴翔之
心。不悟天澤沛然。謬垂提掖。當今玉燭調和。旣非金
革之世。璿璣齊政。豈忘松楸之餘。况復一枝蹊曲。終
危九層之臺。一股涔蹄。必傷千里之駕。皇帝欽明文
思。光宅區宇。禮格四方。無容奪臣此志。孝治天下。自

當哀臣此情。大宗爲師。更求同姓之國。元戎叅乘。別選能賢之臣。伏願覽青蒲之奏。曲允微誠。詔鳳皇之池。特收嚴召。則天慈無溢。私願獲從。臣之容身。便當有地。

功臣不死王事請門襲封表

臣聞以法施民。必傳祀典。以勞定國。必有承家。孫叔敖祭酹無聞。有傷良相。女叔齊胤嗣絕沒。實貶賢臣。謹案大統十六年格。先有封爵。死於王事。絕嗣者。聽以支子繼襲。非死王事。不許承封。前牒五等功臣。皆

委曲篤厚
如此非吳
老公薄心
賜諸嗣所
能臣也

嶽邵隆爲
皂隸此功
臣之所以
長嘆

是勤勞王室。身當患難。扞禦災禍。翼贊大猷。一日遇
疾。身捐館舍。不幸無胤。享祀便絕。於禮則不足。於義
則有傷。未求上林之獵。已削其侯。不服襜褕之衣。先
除其國。伏惟皇帝。崇德旌庸。興亾繼絕。聞鼓鼙而思
將帥。畫雲臺而念舊臣。豈有功存社稷。而無後可守。
事盡忠貞。而無祠可祭。周於蕃屏。爲約事在世。功漢
以山河爲誓。義存長久。臣聞存人之國。大於救人之
災。立人之後。重於封人之墓。竊以殷朝繼及。無廢小
宗。周室興亾。貴存身後。紹高密者。累葉豈專。鄧禹之

信口吐出
皆成珂珮
陸宣公奏
議之鼻祖

正胤嗣平陽者重世何必曹參之嫡孫愚謂生有其
勞死非王事雖在支庶並聽承襲幸使伯有之魂不
能爲厲若敖之鬼其無餒而幽顯對揚人神咫尺

庾子山集卷八終

庾子山集卷九

北周新野庾信著

明東海屠隆評

啓

謝滕王集序啓

取材最窮
宛

紫微懸映。如傳闕里之書。青鳥遙飛。似送層城之壁。
若夫甘泉宮裏。玉樹一叢。玄武闕前。明珠六寸。不得
譬此光芒。方斯照燭。有節有度。卽是能平八風。愈唱
愈高。始欲去天三尺。殿下雄才。蓋代逸氣。橫雲濟北。
顏淵。關西孔子。譬其毫翰。則風雨爭飛。論其文彩。則

魚龍百變。蒲桃繞館。新開碣石之宮。修竹夾池。始作
睢陽之苑。琉璃泛酒。鸚鵡承杯。鳳穴歌聲。鸞林舞曲。
况復行雲逐雨。迴雪隨風。湖陽之尉。既成爲喜之因。
春陵之侯。便是銷憂之地。某本乏材用。無多迷作。加
以建鄴陽九。劣免儒礪。江陵百六。幾從士隴。至如殘
編落簡。竝入塵埃。赤軸青箱。多從灰燼。比年痾恙。彌
留光陰。視息桑榆。已逼蒲柳。方衰不無秋氣之悲。實
有途窮之恨。是以精采。瞽亂頗同。宋玉言辭。蹇吃更
甚。揚雄一吟一詠。其可知矣。好事者不求知音者不

用非有班超之志。遂已棄筆。未見陸機之文。久同燒
硯。至於凋零之後。殘缺所餘。又已雜用。補袍隨時。覆
醬。聖慈憐愍。遂垂存錄。始知揄揚過差。君子失辭。比
擬縱橫。小人迷惑。荆玉抵鵲。正恐輕用。重寶龍淵。削
玉豈不徒勞。神慮匠石。迴顧朽材。變於彫梁。孫陽一
言。奔蹄成於駿馬。故知假人延譽。重於連城。借人羽
毛。榮於尺玉。溟池九萬里。無踰此澤之深。華山五千
仞。終愧斯恩之重。卽日金門細管。未動春灰。石壁輕
雷。尚藏冬蟄。伏願聖躬。與時納豫。南陽寶雉。幸足觀

粉飾多妖
態

瞻。鄴。縣。菊。泉。差。能。延。壽。伏。遲。至。鄴。可。期。從。梁。有。日。同。
杞。子。之。盟。會。必。欲。瞻。仰。風。塵。共。薛。侯。而。來。朝。謹。當。逢。
迎。冠。蓋。魚。腸。尺。素。鳳。足。數。行。書。此。謝。辭。終。知。不。盡。

答趙王啓

仰承張幕全韓連營上地澠池置陣解鄧禹之圍函
谷開關削王元之印蜂旗朝上刁斗夜鳴彌雄壯士
之心足起橫行之志况復才人出娉還得賢夫塞外
有夫人之城軍中有女子之氣都尉青旗卽時春色
將軍大樹已復花開雲氣浮壘流星泛枕細舞長歌

橫簫直笛。當乎此時。青雲之上。信不學無術。本分泥
沉。忽逢天造。搜揚仄陋。今者遂總憲司。預聞刊鼎。獻
歲刑書。旣應懸法。上春木鐸。方須徇人。但年髮已秋。
性靈久竭。嘉石肺石。無以測量。舌端筆端。惟知繁擁。
乖展一月。遂涉兩年。傾首東瞻。山河千里。風塵未盡。
霜露霑衣。仰願珍宜。以爲身寶。

謝趙王示新詩啓

八體六文。足驚毫翰。四始六義。實動性靈。落落詞高。
飄飄意遠。文異水而湧泉。筆非秋而垂露。藏之山崑。

遷延顧盼
光彩動人

可使雲霧鬱起。濟之江浦。必當蛟龍繞船。首夏清和。
聖躬怡裕。琉璃彤管。鵲顧鸞迴。婉轉綠沉。猿驚鴈落。
下風傾首。以日爲年。犍爲舍人。實有誠願。碧鷄主簿。
無由遂心。寂寞荆扉。疎蕪蘭徑。驟駕來梁。未期卜日。
遣騎到鄴。希垂枉道。

謝趙王賚絲布等啓

鄭獻至。蒙賜絲布綾等十段。王褒至。又蒙賜許錢等。
望外之恩。實符大賚。非常之錫。乃溢生涯。曳練且觀。
無勞白馬之望。流泉欲委。佇見青鳧之飛。楊池掘荷。

大已事政
以不貼題
佳

李園移樹。旣欣谷利。彌思青木。陳留下粟。有媿深恩。
櫟陽雨金。翻慚曲施。靈臺久客。從此數炊。黍谷長寒。
於今更暖。從雲夢之田。不喻此樂。得豐城之劍。未均
斯喜。

謝趙王賚絲布啓

去冬凝閉。今春嚴勁。霰似瓊田。凌如鹽浦。張超之壁。
未足鄣風。袁安之門。無人開雪。覆鳥毛而不暖。燃獸
炭而逾寒。遠降聖慈。曲垂矜賑。諭其蠶月。始鑿桑車。
津實秉杼。幾空織室。遂令新市數錢。忽疑敗綵。平陵

妙境真境

月夜驚聞擣衣妾。遇新練自然心。伏妻聞裂帛。方當
含笑莊周車。轍實有涸魚。信陵鞭前元非窮。鳥仰蒙
經濟伏荷深慈。

謝趙王賚絲布啓

某息苟娘。昨蒙恩引。曲賜絲布等五段。南冠獲宥。旣
預禮延。稚子勝衣。還蒙拜謁。關尹津梁之織。鄴地雙
絲。扶風彩文之機。仙園獨重。青衿宜襲。書生無廢。學
之詩。春服旣成。童子得雩。沂之舞。况復栖烏。挾子同
知。桂樹之恩。澤雉將雛。共喜行春之令。根株一潤。枝

婉婉入情

葉俱榮。

謝趙王賚白羅袍袴啓

程據上表空論雉頭王恭入雪虛稱鶴氅未有懸機
巧綜變躡奇文鳳不去而恒飛花雖寒而不落披千
金之暫暖棄百結之長寒永無黃葛之嗟方見青綾
之重對天山之積雪尚得開衿冒廣樂之長風猶當
揮汗白龜報主終自無期黃雀謝恩竟知何日

謝滕王賚巾啓

奉教垂賜鹿子巾一枚解角新胎戴藤初孕落星交

織麗

意頭自雋

映連珠疎點盤龍之刀。既剪長命之縷。仍縫翠羽。懸推芙蓉。高讓遊斯隱士。足笑鼓皮。入彼春林。方誇箬籜。某蓬鬢髮。颯衰容者朽。三秋不沐。實荷今恩。十年一冠。彌欣此賚。

謝明皇帝絲布等啓

比年以來。殊有關乏。白社之內。拂草看水。靈臺之中。吹塵視甌。懟妻狠妾。既嗟且憎。瘠子羸孫。虛茶實怨。王人忽降。大賚先臨。天帝賜年。無踰此樂。仙童贈藥。未均斯喜。張袖而舞。玄鶴欲來。撫節而歌。行雲幾斷。

風雨之生
來無處所

所謂舟楫無岸海若爲之反風薺麥將枯山靈爲之
出雨况復全抽素蠶雪板疑傾併落青鳧銀山或動
是知青牛道士更延將盡之命白鹿真人能生已枯
之骨雖復拔山超海負德未勝垂露懸針書恩不盡
蓬萊謝恩之雀白玉四環漢水報德之蛇明珠一寸
某之觀此寧無愧心直以物受其生於天不謝

妙結

謝趙王賚犀帶等啓

奉教垂賚犀裝帶錢十貫魏君寶帶特賜劉禛趙王
國租偏資裴楷貫藏文馬如燒安息之銀帶插通犀

意雖平常
詞頗穠王

似獵雲南之獸。北郭騷之長貧。是所甘愜。南宮敬之。
載寶殊非念望。花開四照。唯見其榮。鼈戴三山。深知
其重。昔沈羲將盡。逢司命而還。生士燮行理。值仙人
而更活。今日慈矜斯之謂矣。馬前軀而導路。或以識
恩。雞未曉而開關。容能報主。

謝趙王賚米啓

丹烏銜穉。既集西周。黃雀隨車。還飛東市。漬而爲種。
不無霜雪之精。取以論兵。卽有山川之勢。某陋巷簞
瓢。櫛風沐雨。剝榆皮於秋塞。掘蟄鷲於寒山。仰費國

幻筆

租。遂。開。塵。甑。非。丹。竈。而。流。珠。異。荆。臺。而。炊。玉。東。方。朔。
之。捧。米。既。息。長。饑。西。門。豹。之。墾。田。方。慙。此。賚。

謝趙王賚乾魚啓

醴。水。朝。浮。光。疑。朱。鼈。文。鯨。夜。觸。翼。似。青。鸞。况。復。洞。庭。
鮮。鮓。溫。湖。美。鯽。波。瀾。成。雨。鱗。甲。防。寒。某。本。吳。人。常。想。
江。湖。之。味。及。其。饑。也。唯。資。藜。藿。之。餘。慈。賚。渥。恩。膏。腴。
流。竈。不。勞。獅。子。之。亭。卽。勝。雷。池。之。長。翻。驚。河。伯。獨。不。
愛。人。足。笑。任。公。終。年。垂。釣。

味美作備
宋人

謝滕王賚馬啓

使事遠甚
趣甚

柳谷未開。翻逢紫鷺。陵源猶遠。忽見桃花。流電爭光。
浮雲連影。張敞畫眉之暇。直走章臺。王濟飲酒之歡。
長驅金埒。

謝滕王賚猪啓

白腹見珍。度遼東之水。赤欄爲重。對襄陽之城。忽降
全恩。謹充炮烙。孫弘牧於溜水。唯以求錢。卜式養於
上林。豈知其味。

謝趙王賚馬并繖啓

奉教垂賚。紫驪馬。并銀釘乘具。紫紉繖一張。上天降

殊有依人
之致

雨特垂深澤。若水流光。偏蒙私照。迴茲翠蓋。事重劉
基之恩。降此青驪。榮深李忠之賜。北部丹帷。便須高
捲。西河竹馬。卽已郊迎。在命之輕。鴻毛浮於弱水。知
恩之重。龜背負於靈山。况復驚鴻別水。但見徘徊黃
雀去。關唯知反顧。棲戀之心。事同於此。

謝趙王賚雉啓

夏翟秋飛。江輦春澗。中牟縣之客。遂得坐觀。賈大夫
之妻。已應含笑。仰費中厨。來供下客。山川道遠。口腹
知恩。

庾子山集卷九終

庚子山集卷十

北周新野庾信著

明東海屠隆評

擬連珠

蓋聞經天緯地之才。拔山超海之力。戰陣勇於風颺。謀謨出乎胸臆。斬長鯨之鱗。截飛虎之翼。是以一怒而諸侯懼。安居而天下息。

蓋聞蕭曹贊務。雄畧所資。魯衛前驅。威風所假。是以黃池之會。可以爭長。諸侯鴻溝之盟。可以中分。天下蓋聞解封豕之結。塞長蛇之源。必須製裳千里。唾血

廣子山集卷十
轅門是以開百里之圍。用陳平之一策。盟于乘之國。須季路之一言。

蓋聞得賢斯在不藉揮鋒。股肱良哉。無論應變。是以
屈倪參乘。諸侯解方城之圍。干木爲臣。天下無西河
之戰。

蓋聞邯鄲已危。徒思馬服。薊城去矣。空用荆軻。是以
竹杖扶危。不能正武。擔之石蘆。灰縮水不能救。宣房
之河。

有記識

蓋聞穴蟻衝泉。未知遠慮。玄禽巢幕。何能支久。是以

大厦既焚不可灑之以淚。長河一決不可障之以手。
蓋聞膏脣喋喋。市井營營。或以如簧自進。或以徂詐
相傾。是以子貢使乎五都。交亂張儀見用六國。縱橫
蓋聞謀猷是習。權變須長。時增齊竈。或卧燕墻。是以
井陘之兵如鴻毛之遇火。長平之卒若秋草之中霜。
蓋聞彼黍離離。大夫有喪亂之感。麥秀漸漸。君子有
去國之悲。是以建章低昂。不得猶瞻灞岸。德陽淪沒。
非復能臨偃師。

蓋聞市朝遷貿。山川悠遠。是以狐兔所處。由來建始。

之宮荆棘參天。昔日長洲之苑。

蓋聞天方薦瘡。喪亂弘多。空思說劍。徒聞枕戈。是以劉琨之英畧。莫知自免。祖逖之慷慨。裁能渡河。

陵寢生悲

奔亡之狀
如在目前

蓋聞轂林長遠。蒼梧不從。唯桐惟葛。無樹無封。是以隋珠日月。無益驪山之火。雀臺絃管。空望西陵之松。蓋聞雷驚獸駭。電激風驅。陵歷關塞。枕跨江湖。是以城形月偃。陣氣雲鋪。非綠林之散卒。卽驪山之叛徒。蓋聞死別長城。生離函谷。遼東寡婦之悲。代郡孀妻之哭。是以流慟所感。還崩杞梁之城。灑淚所沾。終變

湘陵之竹

歸侃言
此是爲李

陸解嘲

蓋聞三世用兵。既非貽厥。陰謀累葉。必以凶終。是以李都尉之風霜。上蘭山而箭盡。陸平原之意氣。登河橋而路窮。

鬼趣可憐

蓋聞營覓不反。燐火宵飛。時遭獵夜之兵。或斃空亭之鬼。是以射聲營之風雨。時有冤魂。廣莫郡之陰寒。偏多夜哭。

蓋聞江黃戎馬之微。鄢郢風颺之格。乍有去而不歸。或無期而遠客。是以章華之下。必有思子之臺。雲夢

乃爲絲魚
寡鵠丹青

之。傍。應。多。望。夫。之。石。

蓋聞無怨生離，恩情中絕，空思出水之蓮，無復迴風之雪。是以樓中對酒，而綠珠前去，帳裏悲歌，而虞姬未別。

蓋聞樹彼司牧，既懸百姓之命，及乎厭世，復傾天下之心。是以一馬之奔，無一毛而不動，一舟之覆，無一物而不沉。

蓋聞嚴霜之零，無所不肅，長林之斃，無所不標。是以楚塹既填，遊魚無託，吳宮已火，歸燕何巢。

所謂共傳
收庾信也

蓋聞名高八俊。傷於閹豎之黨。智周三傑。斃於婦女之計。是以洪澤之蛟。遂挫長饑之虎。平臯之蟻。能摧失水之龍。

蓋聞吳艘蜀艇。不能無水而浮。以紅間綠。不能無弦而射。是以籠樊之鶴。寧有六翮之期。骹髀之馬。無復千金之價。

蓋聞性靈屈折。鬱抑不揚。乍感無情。或傷非類。是以嗟怨之水。持結憤泉。感哀之雲。偏含愁氣。

蓋聞遷移白羽。流徙房陵。離家折里。悽恨撫膺。是以

惟采

此人所難

吳起之去西河。潛然出涕。荆軻之別燕市。悲不自勝。
蓋聞廉將軍之客館。翟廷尉之高門。盈虛倏忽。貴賤
何論。是以平生故人。灌夫不去門下。賓客任安。獨存。
蓋聞執珪事楚。傅士留秦。晉陽思歸之客。臨淄羈旅
之臣。是以親友會同。不妨懷撫。悽愴山河。離異不妨
風月。關人。

可憐

蓋聞五十之年。壯情久歇。憂能傷人。故其哀矣。是以
譬之交。讓實半死。而言生如彼。梧桐雖殘。生而猶死。
蓋聞秋之爲氣。惆悵自憐。耿恭之悲。疎勒班超之念。

千古勸學
箴

死灰生色

酒泉是以韓非客秦。避讒無路。信陵在趙。思歸有年。
蓋聞懸鶉百結。知命不憂。十日一炊。無時何耻。是以
素王之業。乃東門之貧民。孤竹之君。實西山之餓士。
蓋聞胸中無學。猶手中無錢。今之學也。未見能賢。是
以扶風之高鳳。無故棄麥。中牟之甯越。徒勞不眠。
蓋聞十室之邑。忠信在焉。五步之內。芬芳可錄。是以
日南枯蚌。猶含明月之珠。龍門死樹。尚抱咸池之曲。
蓋聞百尺之高。累於九碁之上。千鈞之重。懸於一木
之枝。是以截虎尾。而非險。傷龍鱗。而未危。

蓋聞居蘭處鮑。在其所習。白羽素絲。隨其所染。是以金性雖質。處劍卽凶。水德雖平。經風卽險。

蓋聞豫章七年。斃於豐草。芳蘭九畹。淪於幽谷。是以欲求其真。晉陽有自埋之蒿。若賞其聲。吳亭有已枯之竹。

蓋聞明鏡蒸食。未爲得所。干將補履。尤可傷嗟。是以氣足凌雲。不應止爲武騎。才堪王佐。不應直放長沙。蓋聞勢之所歸。威之所假。必能繫風捕影。暴虎馮河。是以輕則鴻毛沉水。重則磐石凌波。

蓋聞意氣難干。非資扛鼎。風神自勇。無待翹關。是以曹劌登壇。汝陽之田。遽反相如。睨柱連城之壁。更還蓋聞。卷施不死。誰必有心。甘蕉自長。故知無節。是以螺蚌得路。恐異驪淵。雀鼠同歸。應非丹穴。

蓋聞北邙之高。魏君不能削。穀洛之鬪。周王不能改。是以愚公何德。遂荷鍾而移山。精衛何禽。欲銜石而塞海。

蓋聞君子無其道。則不能有其財。忘其貧。則不能耻其食。是以顏回瓢飲。賢慶封之玉杯。子思銀珮。美虞

公之垂棘

蓋聞水之激也。實濁其源。木之蠹也。將拔其根。是以
延年之家。預論掃墓。羊舌之族。先知滅門。

蓋聞磨礪屑吻。脂膏齒牙。臨風扇毒。向影吹沙。是以
敬而遠之。豺有五子。吁可畏也。鬼有一車。

蓋聞虛舟不忤。令德無虞。忠信爲琴瑟。仁義爲庖厨。
是以從莊生則萬物自細。歸老氏則衆有皆無。

蓋聞三關頓足。長城垂翅。旣羈旣旅。非才非智。是以
烏江。艤楫。知無路可歸。白雁。抱書。定無家可寄。

庾子山集卷十一

北周新野庾信著

明東海屠隆評

書

爲上黃侯世子與婦書

昔仙人導引。尚刻三秋。神女將梳。猶期九日。未有龍
飛。劍匣鶴別。琴臺莫不銜怨。而心悲。聞猿而下淚。人
非新市。何處尋家。別異邯鄲。那應知路。想鏡中看影。
當。不。含。啼。欄。外。將。花。居。然。俱。笑。分。杯。帳。裏。却。扇。床。前。
故。是。不。思。何。時。能。憶。當。學。海。神。逐。潮。風。而。來。往。勿。如

曲寫柔情
令我作數

織女待填河而相見。

序

趙國公集序

竊聞平陽擊石。山谷爲之調。大禹吹筠。風雲爲之動。與夫含吐性靈。抑揚詞氣。曲變陽春。光廻白日。豈得同年而語哉。柱國趙國公。發言爲論。下筆成章。逸態橫生。新情振起。風雲爭飛。魚龍各變。方之珪璧。塗山之會。萬重。譬如雲霞。赤城之巖。千丈。文參曆象。卽入天官之書。韻涉絲桐。咸歸總章之觀。論其壯也。則鵬起。半。天。語其細也。則鷦巢。蚤。睫。豈直熊熊。且。上。增。城。

結挺拔

抱日月之光。燄燄宵飛。南斗觸蛟龍之氣。昔者屈原
宋玉。始於哀怨之深。蘇武李陵。生於別離之世。自魏
建安之末。晉太康以來。雕蟲篆刻。其體三變。人人自
謂握霧蛇之珠。抱荆山之玉矣。公斟酌雅頌。諧和律
呂。若使言乖節目。則曲臺不顧。聲止操縵。則成均無
取。遂得棟梁文囿。冠冕詞林。大雅扶輪。小山承蓋。

傳

周使持節大將軍廣化郡開國公丘乃敦崇

傳

崇恒州代郡鼓城縣廣義鄉孝讓里人也。昔壽丘建國。賜姓者十二人。平陽舉賢登朝者十六族。况復大電繞樞。流星入昴。派分源別。幹其嗣興者乎。魏道武皇帝。以命世雄圖。飲馬河洛。兄弟十人。分爲十姓。辨風吹律。丘氏卽其一焉。五代祖邈。驃騎大將軍。開府儀同三司。營丘郡開國公。于時天道西北。旣稟謀謨。

壯語

馬首東南。實資匡贊。因以封名。仍爲賜氏。與夫南公伯。卽有連類。宗則樂正。非無準則。曾祖雙軌。使持節。驃騎大將軍。司徒。青交二州刺史。范陽文昭公。洛食之始。上馬治國。登庸之初。昇槐論道。生則絕席。武宮死則配祠。清室夫人太原王氏。三世爲將。四代爲公。社稷大宗。鍾鼎貴族。伉儷是歸。秦晉匹也。祖提使持節。衛將軍。駙馬都督。河交二州刺史。靈壽縣開國公。公子公孫。聲名籍甚。增輝增耀。弱冠昇朝。夫人清廉。郡長公主。孝文帝之第二女也。王姬有行。車服不繫。

金駭中臆
錦色離披

故得衛青上將。張耳賢夫。父願使持節大都督徐州諸軍事。徐州刺史。平陽縣開國公。食邑四千戶。少年習象多見兵書。澆沙聚石之管。却日橫雲之陣。彎弧則戟破小支。抽劍則泉飛枯井。夫人字文氏。周文皇帝之第三妹也。母儀令範。女師賢哲。德高隆慮。義重河陽。魏受其終。周新其命。式墓封墳。追旌盛德。乃贈使持節大將軍廣化郡開國公。食邑一千戶。夫人贈安德郡長公主。遊魂冤結。非無廣漢之城。久客思歸。唯有東平之樹。自永安以來。魏室大壞。海水羣飛。天

星亂動禮樂征伐不出於人主。舉賢誅暴議在於強臣。高丞相驅率風雲。奄荒齊晉。我舅氏文皇帝。駕馭龍虎。據有周秦。南北渝盟。東西敵愾。既而各受圖書。竝當珪璧。百姓則父南子北。兄弟東弟西。事主則憂親。求生則慮禍。大周親戚。徧鍾茶炭。輸之城旦。下之織室。關河嚴隔。三十餘年。天厭喪亂。人思反德。彼之風塵。既靜函谷。此之冠蓋。屢涉漳濱。中山冤枉之餘。代郡凋殘之澤。竝遇革音。咸蒙禮送。崇賓兄弟。二人相看氣息。親愛凋零。方寸久亂。恒山殺翮。豈望同飛。而

安國徒中鬱爲卿相。班超絕域，遂得生還。天和四年，至於新邑，朝廷以舅甥之國，外內之親，乃授賓使持節、驃騎大將軍、開府儀同三司、大都督、安樂縣開國公，食邑一千戶。賓得免虎口，仍上龍門，聲價已高。風焱卽遠，方欲討論國恥，申雪家冤。橫尸原野，是所甘心。時不我與，先從朝露。春秋若干，衛國典文子之勸。長安有詔葬之，悲乃贈本官，加少傅、蒲虞勳三州諸軍事、蒲州刺史。以天和六年某月日葬於長安之洪瀆原，妻青州石氏，長城郡君，胤子孤煢，生妻殘室，卽

能有節，還成守義。崇蒙授使持節大都督驃騎大將軍，聞府儀同三司廣化縣開國公，食邑一千戶。昆季二人同年上將，彤廷交映，棨戟相臨。昔二馮同德，繼踵當官。兩杜齊名，夾河爲郡。比斯榮寵，彼將慙色。俄然賓疾，奄捐館舍。崇兄弟勝衣，備罹禍酷。同氣長養，得及全人。今者來歸，更連凶閔。每一悲慟，行路傷心。撫養愛子，情深馬援之慈。恭事寡嫂，義甚顏含之孝。天和六年，授大將軍，餘如故。龍庭賞出塞之功，玉門勞旋師之寵。異代同和，見之今日。建德二年，授使持

節都督宜州諸軍事、宜州刺史、忽忽橫閣、但有誦書、
暖暖重帷、惟惟聞善、政清不置水、明非舉燭、乃是入境、
移風非直、停車待雨、有勅大將軍宜州刺史廣化郡
公崇、自夏季無雨、以迄於今、雖靡神不禱、仍未降感、
知彼州內、獨蒙滂澤、諒由大將軍精誠所至、憂念郡
人、豐稔可希、良以爲慰、又勅廣化公崇、知此存心政
術、治勤黎人、受委稱職、嘉尚無已、古人有言、非行之
難、念加勉勗、以致盡善、指令宣納、抑操賜齊、陳物如
別、宜諭朕懷、昔陽平太守別降紅泉之恩、荊州刺史

偏蒙袞衣之賜。治績尤異。此之謂乎。崇清淨爲政。廉
明爲法。人不忍背。吏不忍欺。性不飲酒。無所嗜欲。深
沉。牆仞。喜愠不形。文必正詞。絃惟雅曲。仁義禮節。是
所用心。緹袂緇素。愛翫無已。當令四郊多壘。尚有公
卿之辱。鼓鼙不息。猶勞將帥之謀。語其讐恥。唯願橫
行死地。思其報國。不吝身膏原野。但今天假之年。時
綏之福。忠貞之事。公其取焉。畧書梗槩。陳之直史。

教

答移市教

昔張楷碩儒尚移弘農之市。宜官妙篆猶致酒壚之
客。况復德總郇周聲高梁楚。希風慕義之士舉袂成
帷。臥轍反車之流。摩肩相接。遂使王充闕市之處。遠
出荒郊。石苞販鐵之所。翻臨崖岸。聖德謙虛未忘誼
湫。欲令吹簫舞鶴還反舊鄆。賣卜屠羊請辭新闡。而
交貿之黨好留幽岐之衆難遣。

禹錫觀市
篇窮工極
妍終不若
此之簡貴

文

移齊河陽執事文

周天和四年四月二十七、使將節車騎大將軍儀同
三司大都督陝西總管府、移齊河陽執事、自疆場臥
鼓、邊鄙收烽、義讓之行、未能替月、孔誠誨盜、卽值苞
藏、是以板載之師、湏時而動、自安封域、非求拒防、雖
復風塵、蹙接旗鼓、無侵五將、卽廻雙嶠、已靜始奉朝
旨、獲彼移書、令受叛城、使廻軍實想彼邊司、已奉處
分、既有此還、輒湏領納、未知何日、可遣戍兵、指附行

詞旨峻潔
得旨誠體

人遲能速報盟且不渝隣境相善顧瞻原野幸甚實多故移

移齊河陽執事文

周天和四年十一月十日陝州總管長史梁昕移齊河陽執事自拭玉繼書通關去傳實謂上方銷劍山陽息馬故茲禦客或慢重肩屬故司疆陰行善盜君一臣二上穆下乖國家以邊鄙心搖須固備守大司馬齊國公天子介弟中軍元帥駕馭孫吳驅馳豹虎舉因農隙義異城郎師巡我境曾非反鄆縮載甫畢

前旗已迴。彼國兵馬不防。殿後餘塵。遂致相接。建旌
壘上。未及五申。安鄴城傍。先驚七伏。當時鋒刃。或膏
原野。所獲彼將。夏州刺史。梁老首領。今以相還。戶鄉
不遠。無令久客。馬驢甲兵。具條相勒。封人宜依。領納
宿無鬪志。不獲交綏。致此埃塵。誰階其咎。故移

移虜留使文

年月朔日。某官告配某州郡。前本欲發遣彼使。但某
入境以來。國祥甫邇。自秋迄冬。未申欵接。且狼星表
邦嚴。霜已戒。浮河亂濟。長路苦寒。時當獻歲。維新三

庚子山集卷十一
元告慶。珪贄盈庭。華裔叅軫。式觀盛禮。洽此嘉譴。陽
和旣動。澤漸萬邦。便當遣使相隨。永敦鄰睦。故移。

庚子山集卷十一終

庾子山集卷十二

北周新野庾信著

明東海屠隆評

讚

黃帝見廣成子

治身紫府，問政青丘。龍湖鼎沒，丹竈珠流。興雲卽雨，
落木先秋。至道須極，長生可求。

堯登壇受圖讚

登壇洛汭，沉玉河湄。丹圖馭馬，綠甲乘龜。榮光上幕，
休氣連帷。雖存克讓，於見文思。

舜舞干戚讚

平風變律，擊石來儀。先齊七政，更服三危。朱干獨舞，玉戚空麾。南風一曲，恭已無爲。

禹渡江讚

三江初鑿，九谷新成。風飛鷁涌，水起龍驚。樂天知命，無待憂生。危舟遂靜，亂檝還平。

湯解祝網讚

連珠兩起，合玉雙沉。穀爲祥樹，桑成樂林。三方落網，一面驅禽。德矣聖政，仁乎用心。

文王見呂尚讚

言歸養老垂釣西川岸止磻石溪唯小船風雲未感
意氣怡然有此相望于茲幾年

武丁迎傅說讚

虞田路斷辭潤泉飛躬勞版築有弊韋衣賢臣入夢
天賜無違千巖之下遂得同歸

成王刻桐葉封虞讚

虞叔百里居河之汾帝刻桐葉天書掌文禮以成德
樂以歌薰天子無戲唐其有君

漢高祖置酒沛宮讚

遊子思舊來歸沛宮還迎故老更召歌童雖欣入沛
方念移豐酒酣自舞先歌大風

漢武帝聚書讚

獻書路廣藏書柱開秦儒山谷漢聞吹灰芝泥印上
玉匣封來坐觀風俗不出蘭臺

袁盎諫文帝讚

千乘峻轍六轡危行跡迴松坂山敘柳城龍淵地狹
華蓋風驚賢臣攬轡可謂忠貞

朱雲折檻讚

上書直諫、有怙明君、先求斬馬、遂請魚文、身摧欄檻、
義烈風雲、應從御史、翻賴將軍、

周公戒伯禽讚

伯禽居魯、鳴玉來朝、周公政治、爲國風謠、北山有梓、
南山有橋、禮容雖備、俯仰無驕、

五月披裘負薪讚

披裘當夏、俗則爲心、雖逢季子、不拾遺金、禽巢欲遠、
魚沉唯深、清聲滅跡、何必山林、

王祥扣冰魚躍讚

王祥之母、鮮鱗是求、冰連釣浦、凍塞寒流、精誠有感、無假沉鈞、二老同膳、雙魚共浮、

孫叔敖逢蛇讚

叔敖朝出、客倅還家、母氏顧訪、知埋恠蛇、爾有陰德、陽報將加、終爲楚相、卒享榮華、

高鳳好書不知流麥讚

高鳳好學、專心不廻、流連經笥、對翫書臺、石門雲渡、銅梁雨來、麥流雖遠、書卷猶開、

張良遇黃石公讚

張良取履、跪授無辭、兵書一卷、長者三期、昔稱韓相、今爲漢師、穀城餘石、還歸舊祠、

師尚父授丹書讚

尚父一遇、周王是親、赤雀旣下、丹書已陳、自論秉鉞、長別垂綸、獨有礪石、留名渭濱、

榮啓期三樂讚

榮期三樂、唯人與年、夫子相遇、卽以爲賢、性靈造化、風雲自然、雅琴雖古、獨有鳴絃、

夫子見程生讚

程生夫子一遇相知，薄言傾蓋，桑陰遂移，清陽共美。賢聖同羈，陳詩難別，贈絹傷離。

鈕麈見趙盾讚

趙盾將朝，端衣整笏，鈕麈受命，衝冠怒髮，惆悵賢臣，顧瞻城闕，利劍不抽，青槐先絕。

蔡澤就唐生相讚

蔡澤羈旅，唐生決疑，無勞神策，不問靈龜，富貴自取，年壽須期，雖云異相，會待逢時。

李陵蘇武別讚

李陵北去、蘇武南旋、歸驂欲動、別馬將前、河橋兩岸、
臨路悽然、故人此別、知應幾年、

樊噲見項王讚

樊噲將軍、漢王車右、不憚鋒刃、何辭卮酒、霸上屯軍、
鴻門固守、持謝范增、唯畱玉斗、

秦穆王飲盜駿馬讚

駿馬遇盜、秦王不嗔、先傾美酒、翻畏傷人、隣兵向國、
窮寇侵秦、于時大盜、還作功臣、

延陵季子遇徐君讚

徐君有禮，季子惟賢。經過一遇，如舊依然。人非別後，心許生前。長松雖合，寶劍猶懸。

鶴讚

武成二年春二月，雙白鶴飛集上林園。大將鄭偉，布弋設罝，竝皆禽獲。六翮已摧，雙心俱怨。相顧哀鳴，孤雄先絕。孀妻向影，天子愍焉。信奏事階墀，立使爲讚。九臯遙集，三山廻歸。華亭別唳，洛浦仙飛。不防離繳，先遭見羈。籠推月羽，弋碎霜衣。塞傳餘號，關承舊名。

南遊湘水。東入遼城。雲飛欲舞。露落先鳴。六翮摧折。
九門嚴閉。相顧哀鳴。肝心斷絕。松上長悲。琴中永別。

銘

秦州天水郡麥積崖佛龕銘

并序

佛龕何存
庾銘不死
作是功德
百倍捨身

麥積崖者。乃隴底之名山。河西之靈岳。高峯尋雲。深
谷無量。方之鷲鳥迹。道三禪。譬彼鶴鳴。虛飛六甲。鳥
道乍窮。羊腸或斷。雲如鵬翼。忽已垂天。樹若桂華。翻
能拂日。是以飛錫遙來。英杯遠至。䟽山鑿洞。鬱爲淨
土。拜燈王於石室。乃假馭風。禮花首於山龕。方資控

鶴。大都督李允信者。籍於宿植。深悟法門。乃於壁之
南崖。梯雲鑿道。奉爲亾父。造七佛龕。似刻浮檀。如攻
水玉。從容滿月。照耀青蓮。影現須彌。香聞叨利。如斯
塵野。還開說法之堂。猶彼香山。更對安居之佛。昔者
如來。追福有報恩之經。菩薩去家。有思親之供。敢緣
斯義。乃作銘曰。

鎮地鬱盤。基軋峻極。石關十土。銅梁九息。百仞崖橫。
千尋松植。陰兔假道。陽鳥迴翼。載輦䟽山。穿龕架嶺。
糾紛星漢。迴旋光景。壁累經文。龕重佛影。彫輪月殿。

絕今無此
精刻

刻鏡花堂。橫鐫石壁。閭鑿山梁。雷乘法鼓。樹積天香。
嗽泉珉谷。吹塵石床。集靈真館。藏仙冊府。芝洞秋房。
檀林春乳。水谷銀沙。山樓石柱。異嶺共雲。同峯別雨。
冀城餘俗。河西舊風。水聲幽咽。山勢崆峒。法雲常住。
慧日無窮。方欲芥盡。不變天宮。

終南山義谷銘

并序

周保定二年。歲次壬午。七月己巳朔。大冢宰晉國公。
命鑿石關之谷。下南山之材。維公匡濟彝倫。弘敷庶。
績。燮理餘暇。披閱山經。以爲終南敦物。日月虧蔽。杙

字字如畫

幹。枯。栢。椅。桐。梓。漆。年。代。蘊。積。于。何。不。有。乃。謀。山。澤。之。官。兼。引。衡。虞。之。匠。東。出。藍。田。則。控。灞。乘。漘。西。連。子。午。則。據。涇。浮。渭。派。別。八。溪。流。分。九。谷。銅。梁。四。柱。石。關。雙。啓。青。綺。春。門。溝。渠。交。映。綠。槐。秋。市。舟。楫。相。通。蓄。之。則。爲。屯。雲。泄。之。則。爲。行。雨。青。牛。文。梓。白。鶴。貞。松。運。以。寘。宮。崇。斯。雲。屋。千。櫨。抗。殿。龍。首。干。雲。萬。頃。踈。苗。蟬。鳴。再。熟。川。后。讓。德。山。靈。景。從。豈。如。運。石。甘。泉。繞。通。櫟。陽。之。殿。穿。渠。穀。水。直。繞。金。墉。之。城。將。事。未。勞。爲。功。實。重。國。富人殷方傳千載。因功立事敢勒山阿。銘曰。

壯浪縱恣
擺去樹束
摹寫物象
極肖極工

織白明媚

寥廓上浮。崢嶸下鎮。壁立千丈。峯橫萬仞。桂月危懸。
風泉虛韻。乘輿嶺阪。舉鍾雲根。八溪分注。九谷通源。
北涵桐井。南浮石門。摸象大壯。規繩百堵。交葛九成。
徘徊千柱。桂棟凌波。栢梁垂雨。疏川奠谷。落實摧柯。
事均刊木。功侔鑿河。

玉帳山銘

玉帳寥廓。崑山抵鵲。摠葉成帷。連雲起幕。玉策難移。
金花不落。隱士彈琴。仙人看博。巖畱舊鼎。竈聚新荆。
煑石初爛。燒丹欲成。桑田屢變。海水頻盈。長聞鳳曲。

永聽簫聲

吹臺山銘

江寧吹嶺。雖山出筠。秦簫下鳳。此岫爲真。青槐避日。
朱草司晨。石名新婦。樓學仙人。吳中字王。城南姓秦。
比花依樹。登榭要春。舞能畱客。聲便度新。雕梁數板。
無復輕塵。

望美人山銘

高唐礙石。洛浦無舟。何處相望。山邊一樓。峯因五婦。
石是山侯。嶮踰地肺。危陵天柱。禁苑斜通。春人常聚。

政碧池之

網綺皆出
天杼非人
閭淫冶

連漪增瑤
林之沃若

樹裏聞歌。枝中見舞。恰對粧臺。諸窓畫開。斜看已識。
直喚便迴。豈同織女。非秋不來。

至仁山銘

峯橫鶴嶺。水學龍津。瑞雲一片。仙童兩人。三秋雲薄。
九日寒新。真花暫落。畫樹常春。橫石臨砌。飛簷枕嶺。
壁繞藤苗。窓銜竹影。菊落秋潭。桐疎寒井。仁者可樂。
將由愛靖。

明月山銘

竹窓標嶽。四面臨虛。山危簷迴。葉落窓疎。看椽有笛。

對樹無風。風生石洞。雲出山根。霜朝唳鶴。秋夜鳴猿。
堤梁以堰。野路疑村。船橫埭下。樹俠津門。寧殊華蓋。
詎識桃源。

行雨山銘

珠的礫而
花丰茸文
中謫仙

山銘行雨。地異陽臺。佳人無數。神女羞來。翠幔朝開。
新粧旦起。樹入床頭。花來鏡裏。草綠衫同。花紅面似。
開年寒盡。正月遊春。俱除錦幙。併脫紅綸。天彩劇藕。
蝶粉生塵。橫藤礙路。弱柳低人。誰言洛浦。一箇河神。

刀銘三首

詞氣健拔
可以助將
軍之勇成
天子之功

風伯吹鑪。雲師煉冶。鐵酸朝流。金精夜下。價重十城。
名高千馬。

千金類合。百鍊鋒成。光連斗氣。燄動山精。身文水動。
刃古珠生。

筆有銛峰
斗精遙降。山靈下從。水文千曲。蛇鱗百重。燕砥欽刃。
蜀水開鋒。氣生分景。環成屈龍。

思舊銘

鋪陳終始
排比古今
痛極快極
歲在攝提。星居監德。梁故觀寧。侯蕭永卒。嗚呼哀哉。
人之滅也。既非金石所移。士之悲也。寧有春秋之異。

高臺已傾。稷下有聞琴之泣。壯士一去。燕南有擊筑之悲。項羽之晨起帳中。李陵之徘徊岐路。韓王孫之質趙。楚公子之留秦。無假窮秋於時悲矣。况復魚飛武庫。預有棄甲之徵。鳥伏翟泉。先見橫流之兆。星紀吳亾。庚辰楚滅。紀侯大去。鄒子無歸。原隰載馳。輶轅長別。甲裳失矣。餘皇棄焉。河傾酸棗。杞梓與樗櫟俱流。海淺蓬萊。魚鼈與蛟龍共盡。焚香複道。詎假遊魂。載酒屬車。寧消愁氣。芝蘭蕭艾之秋。形殊而共瘁。羽毛鱗介之怨。聲異而俱哀。所謂天平。乃曰蒼蒼之氣。

所謂地乎。其實搏搏之土。怨之徒也。何能感焉。彫殘
殺。翮無所假於風。飈零落春枯。不足頌於霜露。幕府
昔開。賢俊翹首。爲羈終歲。門人謝焉。至於東首告辭。
西陵長往。山陽車馬。望別郊門。潁川賓客。遙悲惣路。
稽叔夜之山庭。尚多楊柳。王子猷之舊徑。唯餘竹林。
王孫塋地。方爲長樂之宮。烈士埋魂。卽是將軍之墓。
昔嘗歡宴。風月畱連。追憶平生。宛然心目。及乎垂翅
秦川。關河羈旅。降乎悲谷之景。實有憂生之情。美酒
酌馬。猶思建業之水。鳴琴在操。終思華亭之鶴。重爲

此別。嗚呼甚哉。麟。亾。星。落。月。死。珠。傷。瓶。罄。壘。耻。芝。焚。
蕙。歎。所。望。鐘。沉。德。水。聲。出。風。雲。劔。沒。豐。城。氣。存。牛。斗。
潜然思舊。乃作銘云。

風雲上慘。舟壑潜移。駸駸霜露。君子先危。紀侯大去。
懷王不返。玉樹長埋。風流遂遠。荀伯舊縣。慶封餘邑。
萬里歸魂。修門詎入。墳橫武庫。山枕盧龍。思歸道遠。
返莖無從。徒留送雁。空靡長松。平陵之東。無復梧桐。
松聲蕭瑟。長起秋風。疇昔隆貴。提携語默。託情稽阮。
風雲相得。有酒如澠。終温且克。朝陽落鳳。大野傷麟。

佳城鬱鬱。流寓於秦。山陽相送。唯餘故人。孀機婺緯。
獨鳳孤鸞。閨深夜靜。風高月寒。生平已矣。懷舊何期。
匣中絃絕。隣人笛悲。昔爲幕府。今成總帷。

庚子山集卷十二

三山園詩集卷十二